

Famia ta pidi pa discrecion y pa respeta paz di Sr. Jossy Brokke



Pagina 3

- **Crecemento economico manera anticipa, pero entrada BBO a aumenta mas ainda**
Pagina 6
- **Iniciativa pa stimula comerciantenan Arubiano importa for di Venezuela**
Pagina 2
- **Den Haag no lo laga St. Maarten sufri a causa di Corsou**
Pagina 9

Ceremonia di despedida pa delegacion Arubano pa Weganan Panamericano Santiago 2023



Pagina 17

Hulanda: Aumento di salario minimo cuminsando januari 2024



Pagina 8

Venezuela: Henrique Capriles a retira su candidatura di eleccion primaria



Pagina 11

Stichting Monumentenfonds Aruba a informa

A renoba 'Casita Geel' y ta bay bira un luga di entretenimento

Durante un conferencia di prensa, directora di Stichting Monumentenfonds Aruba (SMFA), Anne Witsenburg a anuncia cu entrante 1 october 2023 e monumento conoci bao di e nomber Casita Geel tin un huurdo nobo.

Den e ultimo luna SMFA, a traha intensivamente den adaptacion di e edificio pa su funcion nobo y awor e cas di cunucu aki, construi na principio di siglo 20, lo keda converti den un luga di entretenimento pa tanto local como turista bao di e nomber Moonshine Daiquiri Co.

Tonya Shenkin, co-propietario di e luga aki, ta conta cu for di 23 aña pasa cu el a yega Aruba pa prome biaha a bisa su mes cu un dia e lo biba akinan y awor e tin su propio cas na Aruba y su propio negoshi.

E tin experiencia amplio den e industria di clubnan nocturno, caminda cu a mancha cuatro club di su famia den e area di New York/ New Jersey. Asina su pasion pa hospitalidad a cuminsa y semper su meta ta pa e bishitantenan por laga tur nan preocupacion na porta y crea un experiencia memorabel.



Na 2020 durante e pandemia di Covid, el a tuma e decision di sigui su soñonan; construi su propio cas y inicia su propio negoshi na Aruba. Awor ta asina leu cu e ta cla pa comparti su amor pa e isla cu e localnan y turistanan di rond mundo.

Casita Geel ta un cas di cunucu construi na aña 1908 na crusada di Caya Betico Croes y Waterweg, pega cu e actual edificio di Aruba Bank. Probablemente e parti central di e cas a ser construi na 1860 pa un Frances y na 1908 a ser cumpra pa Sr. Richard Johan

Eman van der Biest, kende tabata casa cu Catharina van der Biest- Oduber. Di e matrimonio aki a nace seis yiu cual tur seis a lanta den e cas aki. Un di e yiunan Frederica van der Biest- Eman a casa cu John Gerard Eman, fundado di e prome instituto financiero di Aruba, Aruba Bank.

For di aña 1999 e cas a keda inhabita y no a ser usa mas.

Na aña 2000 cu e meta pa preserva e casita aki pa futuro generacionnan y evita e bay perdi a dicidi pa muda esaki pa un ubicacion nobo na Weststraat.

Pa aloca e monumento a busca un tereno den Oranjestad mes, pasobra akinan ta caminda cu e cas di cunucu mester a keda, mirando cu ta den e area aki so por a haya e tipo di casnan aki. Un otro punto importante tabata cu mester a haya un tereno caminda por a aloca e cas mescos cu na su tereno original, na un distancia di 14 meter for di e rooilijn; esaki ta ser considera un ubicacion historico. Asina a logra yega na e tereno caminda e edificio ta actualmente despues cu e tereno a keda traspasa pa Stichting Monumentenfonds Aruba. Esaki ta e unico biaha cu na Aruba a muda un monumento completamente.

Despues di a fungi como museo, oficina, y restaurant, awor e Casita Geel lo ta e cas nobo di un luga cu ta bay ta un espacio familiar cu lo ofrece tour y actividadnan pa publico.

Iniciativa pa stimula comerciantenan Arubiano importa for di Venezuela



Siman pasa, Minister di Asunto Economico, Comunicacion y Desaroyo Sostenibel, Geoffrey Wever, a reuni cu gobernador

estado Falcon, Venezuela. Durante conferencia di prensa ayera mainta, Minister Wever a splica kico e punto di atencion di e re-

union tabata.

Durante e ronda di pregunta di parti di miembronan di prensa, Minister Wever a in-

dica cu durante e reunion cu e gobernador di estado Falcon no a discuti ariba e tema di apertura di frontera aereo, pero a si a toca e tema di e 'Virtual Busienss Matchmaking'.

El a splica cu e 'Virtual Business Matchmaking' ta un evento specialmente entre comerciantenan di Aruba y comerciantenan di Venezuela cu gobierno ta trahando riba dje.

El a sigui splica cu tabatin combersacion tocante e contenido di e agenda y con ta bay hiba e virtual business matchmaking aki, ken ta bay participa y con e organisacion ta bay ta.

E mandatario a indica tambe cu a cuminsa papia ariba e mision comercial cu gobierno kier haci pa Venezuela cu tin como meta pa hiba e empresarionan di Aruba pa nan topa cu e empresarionan di Venezuela, pa stimula y moti-

va e empresarionan di Aruba pa importa y pa haci negoshi cu Venezuela den beneficio di e consumidor Arubano, buscando manera pa baha prijs, trece producto nobo y oportunidadnan economico nobo.

A puntra e minister si pa stimula e comercio di e forma aki, apertura di frontera no lo ta necesario. El a remarca cu e frontera maritimo ta habri y esey na e momento aki ta duna oportunidad pa sigui explora oportunidadnan riba e tereno aki.

El a agrega cu aworaki mester busca manera pa inventarisa kico ta otro obstaculonan cu por tin pa asina purba di reduci esaki y di e forma ey stimula cu e empresarionan pa haci negoshi, importa mas producto di Venezuela y trece miho prijs pa e consumidornan.

Famia ta pidi pa discrecion y pa respeta paz di Sr. Jossy Brokke



Ayera tardi, abogado Doris Canwood den representacion di casa y yiu muhe di Sr. Jossy Brokke, a tene un conferencia di prensa pa cuestiona loke ta bin saliendo den otro medionan di comunicacion treci dilanti pa otro miembro di e famia, cu tin di haci cu e bida priva y salud di e artista Arubiano.

“Como miembronan di famia, nos ta lamenta esaki pasobra semper tabata nos deseo pa Jossy su dignidad y pa pueblo keda recorda Jossy manera e tabata prome cu el a bira malo, manera cu nos tur lo kier ser recorda mi ta kere si un di nos haya e malesa aki.” Canwood a bisa lesando e comunicado.

Igualmente, el a sigura cu door di e mesun malesa cu Sr. Brokke tin, no a keda nan nada otro cu lag’e bao cuido di profesionalnan cu ta siguiendo instruccion door di dokternan cualifica y “no di cualkier hende.”

“Jossy no ta malo for di awor, pero a ser diagnostica door di dokternan cu a wake un par di aña pasa. Su casa no por cuid’e mas y door di cuida Jossy y neglisha su mes, el hasta a perde su brasa robes na augustus ultimo. Ta door di esey, hunto cu Sociale Zaken a pon’e den un cas di cuido cu ta ser paga door di su casa. Famia Brokke no ta contribui financieramente na e cuido di Jossy. Y cierto rumannan a purba, pero tampoco tabata

por cu e encargo; pero danki pa purba, esaki ta duro.”

Famia a mak mee cu nan deseo pa discrecion y paz pa Jossy no ta ser respeta, kier sak’e for di e cas di cuido ki ora cu ta y pas’e bishita ki ora cu ta. Esaki no ta bon ni pa Jossy ni tampoco pa e otro clientenan di e cas cu tambe merece paz y privacidad. “Pasobra nan tambe no ta eyan por nada, vooral ora cu nos ta papia di bay te den cambernan pa graba y busca problema cu dunadonan di cuido, strobando nan den haci nan trabao. Mientras tanto ta buscando e miho manera pa tene Jossy tranquil y na paz. Famia ta pasa bishit’e y ta pasa dianan agradabel cune, esey boso por a wak tambe



riba videonan cu terceronan a haci publico. Nos ta spera comprension di tur hende pa ten’e asina y nos ta spera cu no ta bay tin mas bishita inespera ki ora cu ta, caminda ta purba di mal usa bishita pa graba of laga documento pa ser firma door di personanan cu no tin capacidad mas pa haci esaki. Nos kier reitera cu no tin problema of guera entre famianan, ni ta buscando manera pa bende propiedadnan manera ma tende awe, loke huridicamente no por, loke tampoco lo por pasa facil sin autorisacion di partidonan envolvi. Loke nos ta buscando pa nos ser keru ta paz. E tin su dianan bon y e tin su dianan menos bon, nos lo keda steun, tanten cu tin forsa y bida.”

Nan a gradici diferente famia pa nan sosten y na esnan cu ta contribuyendo cu e cuido di Sr. Brokke y su casa Sandra, incluyendo dokter y enfermeronan.

Tocante si nan ta canando algun proceso legal pa Sr. Brokke, Canwood a señala cu te ainda no tin nada entrega na Corte.

Canwood a indica cu e famia a tuma contacto cune y involucr’e door cu cierto cosnan no a bay bon y cu esey no tin di haci cu e cuido di Sr. Brokke. “Mi a ser involucra pasobra mi a compronde cu documentonan a ser firma y no a duna famianan e copia, a ser firma bao di un tipo di presion y nos kier sa kico tin eyden. Mi a pidi copia di e documentonan y te dia di awe mi no a hay’e. Si no tin nada di sconde, please famia kier sa kico a ser firma.”

Ademas, el a menciona cu tur hende cu ta den un cas di

cuido tin derecho na su privacidad, ken mag y no mag di bishita ta ser coordina actualmente hunto cu e facilidad. “E limitacionnan no tin di haci cu e personanan mes, pero cu cosnan cu a pasa, incluyendo incidentenan na e cas di cuido mes cu miembronan di cuido envolvi,” el a bisa.

Ademas, el a trece dilanti cu tin cierto cosnan cu a ser bisa y haci door di e otro miembro di e famia na unda un persona cu ta forma parti di staf a ser agredi.

“Bay un conferencia di prensa y graba tur cos no ta e manera digno di salvaguardia e privacidad,” Canwood a sigura.

Ayera atardi, e medio di comunicacion local Masnoticia.com a realisa un video Live for di Pos Chiquito na unda e miembro di famia en cuestion a duna cierto declaracionnan, caminda el a keda prohibi pa drenta den cas di cuido unda Sr. Brokke ta permanece, y pa e motibo ey a pidi presencia di Cuerpo Policial den e luga.

Jossy Brokke ta un artista Arubiano masha conoci den mundo di arte y cultura na Aruba. Na e momentonan aki e tin 76 aña di bida y el a ser reconoci pa su 65 aña di farandula na su 2021 cu un homenahe yama “T’ami ta Jossy, un homenahe na e voz di oro.” Ademas di esey el a gana e Premio Nacional Crioyo di Oro den mesun aña.



Minister di Asunto Economico y di Deporte ta anuncia proyecto Sport Entrepreneurship

Pa yuda hende cu tin pasion pa deporte siña busca oportunidad economico



Ayera tardi durante un conferencia di prensa di Gobierno di Aruba, Minister di Asunto Economico, Comunicacion y Desarrollo Sostenibel, Geoffrey Wever, hunto cu Minister di Enseñansa y Deporte, Endy Croes, a anuncia e proyecto Sport Entrepreneurship.

Minister Wever a splica cu e proyecto aki ta un proyecto cu a wordo desaroya pa Ministerio di Asuntunan Economico hunto cu Ministerio di Deporte na unda ta probecha e oportunidadnan economico cu tin den deporte. “Parti di e maneho di Ministerio di Asuntunan Economico ta pa stimula entrepreneurship. Nos ta kere tin oportunidadnan tambe den

deporte y pa e motibo ey nos ta lansa e proyecto aki,” Wever a remarca.

El a sigui splica cu Sport Entrepreneurship ta un proyecto cu ta consisti di 19 topico, 18 tayer y 24 sesion cu ta bay ofrece cuminsando for di dia 30 di october te cu otro aña den luna di februari. Cu e proyectonan aki e participante, persona cu ta activo den e mundo di deporte y cu tin pasion pa deporte, lo siña busca oportunidadnan economico.

Minister Wever a indica cu durante e proyecto ta bay trece diferente topico na atencion di e participantenan. Entre otro, introduccion na sport entrepreneurship, identificacion di oportuni-

dad, marketing y benta den sport entrepreneurship, planificación financiero y management pa entrepreneur di deporte, problemanan legal y etico den sport entrepreneurship, innovacion y tecnologia den deporte, liderazgo y trabao den ekipo, practicanan sostenibel den sport entrepreneurship y con pa gana den turismo den deporte.

El a enfatisa cu e meta di e proyecto aki ta pa stimula esnan activo den deporte pa busca e oportunidadnan economico, desaroya nan mes y wak con nan por lanta un negoshi den e area di deporte.

“Nos ta kere tin hopi espacio y pa e motibo ey nos ta ofrece e programa di training aki na unda nos ta bay siña e personanan con pa traha un plan di mercadeo, con pa traha un plan di negoshi, con pa prepara e maneho financiero di e negoshi, incluyendo presupuesto, pronostico, recordnan financiero, siña e uso di cierto tecnologia y innovacion y pone enfasis riba e habilidadnan di liderazgo di trabao den ekipo,” Minister Wever a resalta.

Unidad di Idea di Departamento di Asuntunan Economico a scoge lidernan riba cada topico pa facilita e tayernan aki na e participantenan.



E mandatario a ratifica cu e proyecto aki ta un oportunidad unico pa esnan activo den e mundo di deporte pa adkiri mas conocimiento y hermentnan, y converti nan pasion y nan hobby den un negoshi.

Minister Wever a resalta cu entrepreneurship ta algo hopi amplio, tin diferente topico y industrianan caminda specialisa. El a menciona como ehemplo e proyecto cu Gobierno di Aruba ta bezig cune tambe, cual ta e agri-entrepreneurship, un proyecto pa bira empresario den agricultura. “Nos kier demonstra cu nos tin atencion pa tur e gruponan, tur e industrianan.”

Minister di Enseñansa y Deporte, Endy Croes, tambe a

enfatisa cu e proyecto Sport Entrepreneurship ta un idea nobo pa motiva y stimula tur esnan cu tin conexon cu deporte, cu tin un of otro idea pero nunca tabata sa con pa cristalisa esaki.

“Esaki ta un bon oportunidad pa ex atletanan, atletanan mes, gruponan den comunidad cu tin interes pa logra algo a traves di un negoshi den deporte. E ta duna oportunidad na tur esnan cu tin di haber cu deporte pa por bira un entrepreneur y haci comercio cu deporte na un forma cu nan ta wordo educa pa haci esaki pa asina oficialmente tin un negoshi den futuro pa gana placa y participa den economia total di Aruba,” el a remarca.

Seleccion di futbol di Aruba ta bay hunga su prome wega clasificatorio di FIFA na Aruba despues di 7 aña

Desde 2016 seleccionnan di futbol di Aruba no por a hunga weganan di cas oficial di FIFA na Aruba pa motibo cu e condicionnan di Stadion Guillermo Prospero Trinidad no tabata cumpli cu e standardnan necesario. Diasabra awo Aruba lo hunga su prome wega clasificatorio di FIFA na cas.

Minister di Enseñansa y Deporte, a anuncia ayera mainta durante un conferencia di prensa cu diasabra 14 di october ta bay tin un wega oficial di clasificacion di e seleccion di Aruba.

E wega ta bay tuma luga den stadion Guillermo Prospero Trinidad y a pesar cu e stadion no ta completamente cla ainda, FIFA a aproba e yerba



artificial nobo y haci excepcionnan extraordinario pa asina pa prome biaha, desde 2016, un seleccion di Aruba por hunga un wega oficial clasificatorio, na nan mesun cas. Minister Croes a indica cu manera ta conoci, bao man-

dato di e gobierno anterior, e seleccionnan di futbol di Aruba no por a hunga e weganan oficial aki na Aruba y nan mester a biaha pa hunga e weganan di cas afo, esta na Florida of Corsou. Pero cu e renobacion di Stadion Guillermo Prospero Trinidad, cu



ta andando ainda, e seleccionnan ya no mester biaha bay afo mas pa hunga nan weganan di cas. El a splica cu e wega clasificatorio ta cuminsa entre 3or y 4or di atardi y esaki ta pa motibo cu no tin lus ainda instal na e stadion pa por hunga

weganan anochi, pero no obstante esaki e turf, e yerba artificial nobo si ta aproba, y ta bay estrena esaki cu un wega clasificatorio entre Aruba y Virgin Islands.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Aruba incapaz pa... Crea innovacion...?

Aruba su economia ta bayendo bon; esey nos por destila for di e cifranan di operacion di gobierno di Aruba. Tur cifra cu ta indica progreso economico ta muestra adelanto, manera por lesa den un articulo cu ta aparece den e edicion aki. Tambe nos por a ripara cu SVb a registra pa 1 di october ultimo un cifra di cantidad di cupo di trabao, full-time o part-time, di algo mas di 44.000. Esaki ta un cifra mas halto cu na cualkier momento den e periodo pre-Covid.

Cu e noticia positivo aki nos por canta gloria y bay drumi tranquil? No, nos por ta contento cu e recuperacion economico a bay bon, pero na tur momento nos mester keda mantene nos vista riba futuro y mira kico esey por trece pa nos. A pesar di e miedo cu nos ta cay den repiticion aki, ta necesario pa enfatiza cu avance economico no ta cuestion di simplemente calcula un par di porciento acerca tur aña y nos ta cla. Lo mester mira e aumento di produccion (y productividad) tuma lugar tambe. Y aki ta indispensable pa tuma na cuenta e advertencianan cu a surgi ultimamente, especificamente for di e sector primordial, turismo. Manera e cifranan publica pa e organismo empresarial cu ta representa e sector ta muestra, ultimamente tabatin algun luna caba cu e grado di ocupacion na e hotelnan (afilia) tabata menos cu na e mesun periodo na 2019. Ademas ta mira menos ocupacion tambe bayendo fin di aña aki, cu por yega na 9% menos pa henter 2023, cu na 2019. Motibo pa panico? Ainda no. Por mira cu ocupacion por ta menos pero nivel di prijs pa camber cu por capta por compensa esaki. No necesariamente e beneficiar di e sector lo ta menos, cu consecuencia cu e efecto riba resto di economia, den forma di contribucion na poder di compra local no mester ta negativo.

Sin embargo, si nos por mira cu maximamente sector turistico ta capaz di mantene su mes na e nivel actual, en todo caso lo no tin mas crecimiento economico, pasobra practicamente henter e resto di economia ta depende di e poder di compra total cu pa gran parti ta relaciona directamente cu sector turistico. Di unda e proyeccionnan di aumento aña tras aña ta bin anto? Banda di exportacion di servicio turistico nos tin casi nada pa exporta y trece aden divisa cu nos mester pa amplia e base di importacion. Lo core muestra riba tur e acomodacion turistico cu ta bay habri ainda, pero ken ta bisa cu esey ta amplia e base, o ta cumenza e proceso di 'canibaliza' otro? Nos lo por haya e comentario tambe cu 'ta pesey nos

ta trahando riba e sectornan 'innovativo y prometedor'... "Corecto," nos lo bisa, "y unda nos ta cu esey?" Nos no ta puntra esaki pa ta negativo, mucho menos cinico, pero e presentacion di 'alternativa interesante' a bira un disco raya caba den ultimo decananan. Y pa colmo, ora nos haya oportunidad pa realmente haci algo, ta cay un silencio profundo... Hopi aña pasa caba nos a haya e recomendacion pa haci algo concreto cu 'turismo medico'. Nada a sucede, y pakico no? Laga nos duna un ehemplo. Varios biaha den ultimo decada nos a haya bishita di un grupo di clinica medico di categoria di Colombia, cu tabata desea di establece nan mes aki, pa duna servicio specializa, no dirigi na e ciudadano local na promer lugar, pero pa trece un parti di nan clientela cu ta bin di exterior, por ehemplo Merca y Canada, aki en vez di laga nan bin Colombia. Nan tabata pensa cu e atraccion di Aruba como centro turistico lo atrae pacient cu ta bin cu famia, pasobra 'Aruba ta Aruba'. De paso nan por duna servicio na hende local cu ta bay Colombia o otro pais pa un 'second opinion'. Esaki fuera di e estructura di AZV, pues nan no ta afecta nada di viabilidad di nos seguro medico, pero esun cu ta biaha riba su mes gasto pa e segundo opinion ey, lo por hacie na Aruba mes. Awor, pakico nan no por a logra nada? Pasobra nos gobernantenan, y nan asesornan, tin miedo di kima nan culpa cu awa friu, na modo di papia. O nan ta kere cu nos mes ta crea e infraestructura ey? Mas leu cu un reparticion di tarea riba tereno medico cu e otro islanan, pa cual Hulanda ta pone presion, nos lo no yega, y pakico no? Pasobra nos institutonan ta demasiado burocratiza pa por yega na nivel profesional halto y innovador pa por atrae cliente cu ta bin cerca nos pa nos reputacion... Nos no tin ni un base pa traha na un manera drechi cu nos profesionalnan, mucho menos pa crea un ambiente adecua pa amplia berdaderamente un base structural cu profesional di nivel, local y stranhero, pa por crea un sector considerable cu ta trece un fluho sustancial di divisa aden. Y di e manera aki nos ta laga oportunidad pasa bay na otro destino, unda si ta comprende cu bo mester por tin un vision y mente mas amplio pa por crea e tipo di negoshi aki, pasobra esey e ta: un negoshi. E ta posible ora cu gobierno ta limita su mes na haci su trabao di crea e infraestructura legal y di supervision, pero no ta mete den loke ta e organizacion di un sector asina. Lamentablemente, nos mester supone cu pensa y actua na e nivel aki no ta pa nos gobernantenan...

Minister Geoffrey Wever

A inicia proyecto di presentacion di Sustainable Development Goals na scolnan basico

Minister Geoffrey Wever a cuminsa cu su proyecto di presentacion di e metanan di desaroyo sostenibel, e 'Sustainable Development Goals (SDGs)', na alumnonan di 6e klas di scolnan basico. E presentacion ta pa yuda cu conscientisacion di kico e metanan ta ensera y con cada un di nos por yuda na logra e metanan.

Kico ta desaroyo sosteni-

bel? Desaroyo sostenibel a ser defini como desaroyo cu ta cubri e necesidadnan di e presente sin compromete e abilidad di futuro generacionnan pa por cubri nan propio necesidadnan. Esey ta nifica cu cada generacion mester tene cuenta cu nan bienestar y cu e bienestar di e siguiente generacionnan tambe. Pa logra esaki mester tin harmonia entre e aspecto humano, balans den desaroyo economico y prosperi-

dad, y tambe proteccion pa nos medio ambiente.

E SDGs ta consisti di 17 meta pa paisnan na mundo traha na dje pa un miho mundo. E ta wordo parti den 5 pilar: People, Prosperity, Planet, Peace y Partnership.

E prome scol cu a ser bishita ta Mon Plaisir Basisschool. Den transcurso di e simannan binidero Minister Wever lo sigui bishita demas scolnan.



COP17: Un conferencia exitoso pa e conservacion marino den region di Caribe

Aruba cu orguyo a sirbi como pais anfitrión pa e recien celebracion di Conferencia di Partido (COP) di Cartagena Convention, un tratado internacional significativo dedica na proteccion y preservacion di bida marino den region di Caribe. E tratado aki cu a ser adopta na 1983 na Cartagena de Indias, Colombia, ta considera como un di e tratadonan clave pa e region maritimo desaroia bou di auspicio di Programa pa Medio Ambiente di Nacionnan Uni (UNEP).

E obhetivo principal di Cartagena Convention ta preveni, reduci y controla contamina-

cion ambiental marino den region di Caribe mientras ta promove desaroyo sostenibel mediante maneho responsabel di recurso natural.

E conferencia, cu a tuma lugar for di 2 pa 6 di october 2023, a acoge representantenan di varios pais pa discuti esfuerzonan colaborativo pa proteha y e uzo responsabel di nos lama Caribense. Minister Ursell Arends a expresa su orguyo den Aruba su rol como pais anfitrión pa e conferencia, colaborando cu e Ministerio di Landbou, Natuur en Voedselkwaliteit di Hulanda den esaki.

Pa continua e cooperacion cu dicho Ministerio Hulanda,

dia 5 di October, Minister Arends a firma un Memorandum di Entendimiento (MoU) hunto cu Minister Christianne van der Wal. E meta di e MoU ta pa reforsa colaboracion entre paisnan den Reino den area di recurso natural. E MoU aki ta desaroya riba tema di conservacion di naturalesa, siguridad di alimentacion, y cumplimiento cu tratadonan internacional, fomentando colaboracion den Reino, permitiendo cada pais constituyente di cumpli cu nan obligacionnan cu tratadonan internacional.

Minister Arends ta extende un palabra di gradicimento na tur esnan cu a haci e conferencia aki exitoso. Un palabra



di danki special na Directie Natuur en Milieu como e entidad gubernamental cu

ta encarga cu e Convenio di Cartagena.

Crecemento economico manera anticipa

Pero entrada BBO a aumenta mas ainda

Pero entrada BBO a aumenta mas ainda
Economia di Aruba a sigui riba un rumbo di crecimiento maera anticipa, pero na mes momento aumento di entrada di BBO tabata ms impresionante ainda. Esey por destila for di cifranan di Banco Central di Aruba, cu a divulga cifra di operacion gubernamental di promer mitar di 2023. Esakinan en comparacion cu e mesun periodo di 2022 ta muestra entre otro lo siguiente:

Loonbelasting: + 9,6%: Afl. 108,3 miyon (2022) vs Afl.



117,9 miyon (2023)

Impuesto di importacion: +19,5%: Afl. 85,1 miyon (2022) vs Afl. 101,7 miyon (2023)

BBO/BAVP): + 47,3%: Afl. 108,9 miyon (2022) vs Afl. 160,5 miyon (2023).

E aumento di e ultimo cifra aki ta debi na dos factor: uno

ta e crecimiento economico cual ta representa tambe den e otro cifranan cu ta indica progreso economico segun entrada pa gobierno. E otro factor ta e aumento di e BBO/BAVP entrante 1 di januari 2023 cu a contribui na e aumento total aki, di casi 50% compara cu e total ricibi aña

pasa den e mesun periodo. BBO na frontera

E aumento sustancial di BBO/BAVP muestra aki no ta encera e extra ingreso cu lo bin di e introduccion di BBO/BAVP na frontera, cu pa promer biaha lo aparece den e resumen di luna di september, cu no a keda publica ainda.

Entrada general di gobierno den e periodo referi a aumento cu Afl. 199,3 miyon (30,9%), mientras cu entrada di impuesto a aumenta cu Afl. 174 miyon (29,9%). Entrada total di promer parti di 2023 a duna gobierno Afl. 842,9 miyon, mientras Afl. 755,1 mi-

yon tabata e total di impuesto. Si e tendencia economico aki continua, cu e adicon di e BBO na frontera na augustus pa resto di aña, gobierno lo por yega sin problema na e proyeccion pa entrada total (y total pa impuesto) pa 2023 y hasta por surpasa e expectativa cu un nivel di entrada total di riba Afl. 1.600 miyon, cu tabata anticipa pa aña 2024. Entrada di impuesto lo ta riba Afl. 1.500 miyon, loke ta mas halto cu e total di impuesto proyecta pa 2024 den e presupuesto multi-anual. Mas detaye den un siguiente edicion.

AWA

MINI MEGA

MEGA PLUS

Awo cu 2 florin mas, bo por gana e

*** Afl. 430.000,-**

*** Afl. 330.000,- + Afl. 100.000,-**
extra

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

LOTO

Trabou duro di team HOH 'behind the scenes' ta duna su fruto

HOH cu update tocante e situacion na policlinica ginecologia

Despues di algun luna di trabou duro di team di Hospital, Hunta di Directiva ta contento di por informa comunidad di Aruba encuanto e ultimo desaroyonan positivo pa loke ta empleo na policlinica ginecologia. Na prome lugha nos kier gradici comunidad pa e pasenshi y mas ainda tambe gradici e team na policlinica ginecologia pa nan dedicacion y mas ainda pa haci nan maximo esfuerso durante temponan dificil.

Un par di luna pasa Horacio Oduber Hospital (HOH) a saca informacion tocante e tempo di espera cu lo por ta mas largo y tambe e cambionan di dokter na policlinica ginecologia. A informa comunidad tocante e situacion actual y a haci un peticion pidiendo comprension y pasenshi di parti di pashentnan, publico y tambe empleadonan. Motibo tras di esaki tabata e

presion halto cu tabatin riba e cantidad di ginecologonan. Algun a dicidi pa un cambio di carera pa motibonan personal. Na mes momento tabatin discusion andando cu AZV tocante e cantidad necesario di ginecologo cu a haci e situacion uno cu mas reto ainda. A baha di shete pa cinco ginecologo. Pero nos ta contento cu recientemente a cera acuerdo cu AZV pa por tin 6 ginecologo contrata pa hospital y kisas den futuro cercano por bolbe tin shete ginecologo den servicio na hospital.

Vacatura y substitucion Manera ta conoci pa algun tempo caba, tin mundialmente scarsedad pa loke ta personal medico y especialista. E departamento di recruitment a traha hopi duro pa logra haya reemplasante cu ta cumpli cu nos cualificacionnan. Nos ta contento di informa cu desde luna di november team di policlinica



ginecologia ta yama bonbini na Dr. Femke Siemonsma y na januari 2024 na Dr. Sofie Hamers y Dr. Dominique Bos. Ademas, Dr. Sietske Althuisius cu a caba di baha cu pensioen lo regresa pa reforsa e team pa un aña mas.

Mientrastanto Dr. Daphne Moreta (presidente di e grupo) conhuntamente cu Dr. Alejandro Garcia ta sigura e continuidad di e grupo di ginecologia. Adicionalmente, Dr. Babet Latour lo t'ey te cu fin di november prome cu e bay pa su reto nobo na Hulanda. E vacaturanan vacante

lo keda wordo yena temporalmente pa asina tin seis especialista continuamente ta brinda cuido. Specialistanan cu lo t'ey temporalmente pa reenforza ta: Dr. Marcela Realpe, Dr. Frank Ho-Kang-You, Dr. Gunilla Kleiverda y Dr. Soerin Mahadew

Gratitud Nos ta haciendo nos maximo esfuerso pa garantisar cuido pa nos pashentnan y pa trece balans bek na e grupo di ginecologia. No solamente pa cumpli cu e vision di nos organisacion cu ta 'accessible healthcare for everyone with-

out compromising on quality', pero tambe pa provee un lugha placentero di trabou pa nos empleadonan.

Durante e proximo lunanan nos lo sigui taha duro pa reduci e tempo di espera pa un afspraak pa un cantidad di dia cu ta aceptabel. Tene na cuenta cu semper lo tin un cierto tempo di espera y compara cu otro pais, tempo di espera na Aruba generalmente ta bastante aceptabel. Sin embargo ta comprendibel cu ora bo ta malo bo kier wordo atendi pa un dokter mas lihe cu ta posibel. Ta importante pa menciona cu urgencianan semper ta y a wordo atendi inmediatamente.

Un bes mas, Hunta di Directiva ta agradecido y ta aprecia tur empleado y pashent pa nan pasenshi y encarecidamente ta pidi pa continua di tin respet mutuo pa e circunstancianan actual.

Ningun señal di un infestacion di chinchha na Hulanda despues di e plamamento na Paris

(NLTimes)—Reporta-
henan di e plamamento
di chinchha na Paris a causa
preocupacionnan cu
trein- y avionnan for di
Francia por resulta den un
plamamento di chinchha
den henter Europa. Euro-
star y NS ta sigui cu me-
didanan pa mantene nan
treinnan limpi. A pesar di
e conexion directo entre
Paris y ciudadnan na Hu-
landa, ta parce cu no tin
ningun señal di infesta-
cion na Hulanda, segun
ambos RIVM y e sector
di GGD na Amsterdam a
conta NL Times.

Chinchhanan ta insectonan
parasitico chikito y flat, cu
principalmente ta biba riba
sanger di hende. Nan ta di
color cora-bruin y por ser
haya den areanan di drumi-
mento, particularmente den

camanan. Nan mordi por
causa bolobonchinan riba cu-
ero cu ta grawata y por resulta
den infeccion secundario si
esaki ser grawata.

E insectonan a causa preocu-
pacion na Francia durante e
ultimo simannan. Na Paris,
en particular, tabatin report-
ahenan di chinchha den cin-
ema, hotel, aeropuerto y riba
trein. E siman aki, e gobierno
Frances a purba calma miedo
publico tocante un posibel
plamamento. Minister di
Salud y Prevencion Aurélien
Rousseau a bisa cu "no tin
ningun motibo pa un panico
amplio" y cu "nos no a ser in-
vadi pa chinchha."

Vocero pa NS, Carola Belder-
bos, a indica cu e tripulacion
di limpieza di NS trahando
riba treinnan internacional no
a reporta ningun incidente di



chinchha riba trein. "Claro cu
nos ta haya ta importante pa
nos treinnan ta limpi y sigur
pa nos pasaheronan. Semper
nos ta vigilante riba esaki y
nos ta conscientisa tocante e
situacion na Francia. Si nos
haya algo asina, un trein asina
lo ser kita for di servicio," el a
conta Harlems Dagblad e si-

man aki.

Un vocero pa KLM tambe a
conta NLTimes diabierna cu
e aerolinea no a mira ningun
reportahe di chinchha riba
buelonan pa y for di Paris.

Ambos RIVM y GGD a sola-
mente provee un lista di re-

comendacion riba nan web-
site. GGD Amsterdam a in-
forma NL Times cu nan no
a ricibi ningun aplicacion pa
e identificacion di chinchha.
Ora a puntra nan si nan ta-
bata preocupa di e conexion
directo entre Paris y Amster-
dam, un vocero a bisa cu "no
tin motibo" pa ta preocupa.

Hulanda:

Aumento di salario minimo y sistema di pago pa ora uniforme lo cuminsa desde januari 2024

(NLTimes) - Hulanda lo aumenta su salario minimo cu 3.75 porciento cuminsando for di dia 2 di januari 2024. E pago pa ora di acuerdo na statuut pa empleadonan di 21 aña bay ariba lo ser stipula na 13.27 euro pa ora. Ademá di e ahuste regular aki basa na e nivel di prijsnan, un tarifa minimo di pago pa ora lo reemplaza esun existente.

E salario minimo actual-

mente ta calcula riba un base mensual, esaki ta nifica cu no ta importa si un empleado traha 36, 38 of 40 ora pa siman. Danki na e iniciativa di Parlamentarionan Barbara Kathmann di PvdA y Senna Maatough di GroenLinks, e ley aki a ser aregla pa introduci un tarifa pa ora minimo uniforme.

Como resultado di esaki, esunnan cu ta traha 40 ora pa siman lo ricibi pago pa 4



ora adicional pa siman. Esaki ta implica cu en averahe, e grupo aki lo tin un aumento di 15 porciento na e pago pa

ora. Pa esunnan cu ta traha 36 ora pa siman, e aumento lo ta di 3.75 porciento.

Den september, un mayoria den Tweede Kamer, parti di e Parlamento Hulandes, a apoya un aumento di 1.7 porciento na e salario minimo y bijstand social pa aña 2024, ademá di e indexacion cu te ainda mester keda determina.

Hulanda:

Gabinete a crea reglanan mas cla pa personanan cu ta traha pa nan mes

(NLTimes) - Gobierno kier clarifica den e regulacionnan ora cu un trabao por ser haci pa un persona cu ta emplea su mes y ora cu mester contrata un persona como empleado pa un trabao. Factornan guia ta inclui si un persona ta directamente maneha pa e cliente of si e trabao ta structural y tin un luga permanente den e organizacion.

Segun Minister Karien van Gennip ken ta encarga cu Asuntonan Social y Empleo, e "a trece clarificacion" pa e elaboracion di e proposicion,

cual ta drenta consulta diabierna. Den otro palabranan, a examina con Huesnan a declara den diferente situacionnan den pasado y cua tabata e factornan cu a hunga un rol.

Pa determina si un trabao por ser ehecuta pa un persona cu ta emplea su mes, Van Gennip a bisa cu e prome paso ta di mira con e trabao ta maneha. "Bo tin libertad completo den esaki of bo ta bao direccion di otro persona?" Den e prome caso, bo por traha como un persona cu ta emplea su mes pero den e di dos caso, solamente como un empleado.

Ademá, e tipo di trabao mester keda considera. "Bo ta haciendo trabao cu ta structural den un organizacion y tin un luga fiho den e organizacion y bo ta haci e mesun trabao cu of conhuntamente cu otro empleadonan of bo ta traha independientemente, bao bo mesun riesgo y gasto?"

Ademá, Gobierno kier pa e pago pa ora hunga un rol. Un empleado cu por demostra cu credibilidad cu nan ta ricibi menos cu e tarifa minimo aplicabel actual di 32 euro pronto lo por pidi un contract di empleo cu mas facilidad. Eora lo kedanan a e cliente



pa comproba si esaki ta of no ta e caso.

Segun Van Gennip, e reglanan mas cla aki lo sigura cu empleadonan y clientenan no tin cu "busca den un sero di

casonan" nan mes. Ademá, esaki ta un di e medidanan cu e Gabinete saliendo a tuma pa combati empleo propio falso pero tambe duna mas espacio na e personanan cu berdaderamente ta empleado propio.

Hulanda:

Sinagoga na Tilburg menasa despues di atakenan terrorista di Hamas

(NLTimes) - E Sinagoga na Tilburg a ricibi menasa desde cu e grupo terrorista Hamas a ataca Israel y Isreal a responde cu un declaracion di guerra y contra-accion. E Sinagoga semper ta ricibi menasa, sinembargo nan ta den aumento segun Marc Daniel Ben Avi, e president di e Sinagoga na Tilburg a conta Omroep Brabant.

"Tin hopi indicacion cu tin persona cu kier ataca e Sinagoganan," Marc Daniel a bisa. E Sinagoga na Tilburg tin miembronan den henter Hulanda, Belgica y Alemania. "Nos ta un parti importante pa Hudiunan Liberal." Marc Daniel no ta premira atakenan organisa riba su Sinagoga pero si ta preocupa cu teroristanan cu actua nan so. "Nos ta lidiando cu anti-

Semitismo y comportamiento di copiadoranan."

Polis a confirma na Omroep

Brabant cu semper tin menasa contra e comunidad Hudiun. Un vocero a bisa cu polis no a ricibi reportahe nobo desde

e atake di Hamas, sinembargo tin extra supervision na e Sinagoga den simannan reciente. Coordinador Na-

cional pa Contraterorismo y Siguridad a manda un carta na alcaldenan pidiendo extra medidanan di siguridad rond di Sinagoganan pa motibo cu e personanan Hudiun no ta sinti nan mes safe prome ni despues di sirbishinan.

Mientrastanto, e actividadnan na Tilburg su Sinagoga lo continua manera normal. "Nos no lo permiti nos mes cay victima di opresion di ningun hende. Sinembargo, nos no ta haci nos agenda publico mas y nos mester haci nos actividadnan practicamente den secreto pa nos siguridad," Marc Daniel a expresa. Nan mester permanece alerta y cauteloso, "nos no por brinda hospitalidad actualmente y lo mester limita acceso na e Sinagoganan."



A rechasa apelacion den caso di scandal di soborno den RdK

(AP) - Roderick van Kwartel di 59 aña lo permanece cu su sentencia y cumpli 3 aña den prizon pa soborno pasivo. Corte Supremo a declara cu e kehonan contra e decision anterior den e corte di apelacion no tin base pa retira e sentencia.

Den juli di e aña aki, procurador general a conclui cu e apelacion di casacion mester keda rechasa. E apelacion di casacion di e 3 otro acusa-donan, ex manager tecnico Gilbert Gregory Cijntje, inspector mecanico Michèle Mario Kinburn y consultante externo Ashley Isadora, tambe a keda rechasa. Cada un a ricibi un sentencia di 30 luna den prizon na corte di apelacion y esaki lo permanece

den efecto.

Van Kwartel tabata ex director di Refineria di Korsou (RdK) y a ser nombra pa haya un partner strategico cu lo opera e refineria y Bullenbaai. El a acepta miyones den soborno durante e proceso di subasta oficial. Nan a busca pa ricibi 750,000 dollar pa e contract y despues un suma mensual di 20,000 dollar. Adicionalmente, 10 cent pa cada bari di crudo mester a keda paga, cual ta yega na 5,000,000 dollar anualmente.

Na e Corte Supremo, Van Kwartel, Cijntje y Kinburn a keha cu nan mester a por ehecuta nan derecho di scog nan mesun abogado. Nan tabata kier ricibi asistencia di especialista den ley criminal



Mark Dunbergen di Breda, principalmente pa motibo cu nan a bira figuranan conoci na Corsou a causa di e publicidad rond di e caso.

Sinembargo, e Huesnan den Corte Supremo tabata unanime den nan decision, conhuntamente cu Procurador General, cu e corte di apela-

cion tabata suficientemente hustifica cu e derechonan di e 3 no a ser viola pa loke ta trata e derecho di un huicio husto.

Den Haag no lo laga St. Maarten sufri a causa di Corsou



(CuraçaoChronicle) - St. Maarten lo cualifica pa un refinanciamiento cu un interes abao di 3.4 por ciento pa e prestamo di coronavirus. E gobierno Hulandes no kier pa St. Maarten sufri a causa di Corsou su fracaso pa finalisa e trato di Ennia.

E Gabinete Pisas, sinembargo, lo mester paga e prijs pa su falta den tuma un cambio di ultimo momento. Cuminsando for di awe, Corsou lo mester paga un interes di

5.1 por ciento riba e extension di e prestamo di 900 miyon florin pa e prestamo di coronavirus. Esaki lo costa e isla 15 miyon florin anualmente. Aruba su posicion ta pio, a causa di su propio accionnan. Pa motibo cu e gabinete Wever-Croes a nega e supervision financiero, nan lo enfrenta un interes di 6.9 por ciento cuminsando for di awe.

Den un carta na Parlamento Hulandes, Secretario di Estado Alexandra van Huffelen

encarga cu relacionnan en Reino a provee informacion extenso. Den esaki, tin frustracion tocante e comportamiento di Prome Minister Pisas, ken tin varios luna ta pusha pa bolbe cuminsa cu Ennia. Hulanda tabata dispuesto na haci esaki posibel cu un prestamo di 660 miyon euro na un manera cu no lo

compromete Corsou su capacidad di inversion.

Van Huffelen a haya sa di un decision di ultimo momento di e gabinete Pisas pa retira e acuerdo cu a yega caba via reportahenan den media mientras e tabata na Willemstad. Confirmacion di e Prome Minister a bini un dia despu-

es via carta.

Mester nota cu tur tres pais ainda mester firma un acuerdo pa e refinanciamiento di e prestamo. Esaki mester a keda haci pa awe mainta pa motibo cu Senado lo dicidi e amienda rekeri den e presupuesto pa fin di e dia na Hulanda.



JOB OPPORTUNITY

Paradise Beach Villas is looking for:

Food & Beverage Manager

The Food & Beverage Manager will oversee the daily operation of the restaurant. The Food & Beverage Manager will be responsible for ensuring high-quality service and food, managing the staff, developing, and implementing training programs. The Food & Beverage Manager will also be responsible for budgeting and financial management of the restaurant.

Requirements:

Minimum 3 years of experience in managing food and beverage.
Customer oriented approach
Excellent communication, interpersonal and leadership skills
Critical thinker and problem-solving skills.
Team player
Good organizational and time-management skills
Must speak English & Spanish

We offer:

Competitive Salaries
Pension Plan
Dental & Vision Insurance
Health Plan
Vacation Saving Program

TO APPLY:

Please email your resume and cover letter to humanresources@paradisebeach.aw for more information please call 525-400 ext. 4093, Incomplete resumes will not be considered.

Bougainville Development NV
P.O. Box 162878, Altamonte Springs
FL 32716-2878, USA

J.E. Irausquin Boulevard 64 P.O. Box 4308, Noord, Aruba, Dutch Caribbean
T. 297 525 4000 F. 297 587 0071
www.paradisebeachvillas-aruba.com

Brazil: Gobierno a desplega mil polis na favela di Rio de Janeiro

(Infobae) – Gobierno di estado Brasileiro Rio de Janeiro ayera dialuna a desplega mil polis na por lo menos tres favela di e ciudad, den un operacion contra crimen organisa, segun autoridadnan a informa.

“Mil agente di forsa di seguridad di Rio de Janeiro awe a cuminsa un operacion pa combati crimen organisa na Complexo da Mare, Vila Cruzeiro y Cidade de Deus,” gobierno local a informa riba e red social “X.” E tres barrio aki ubica na zona nort y west di Rio, ta considera refugio di Comando Vermelho (CV), e organizacion narcotraficante mas grandi di Rio. “Nos kier ataca e fraccion



criminal cu ta purbando expande su teritorio y generando conflicto cu otro organizacionnan criminal,” secretario di Polis Civil di Estado di Rio, Renato Torres a afirma ayera mainta den un conferencia di prensa.

Den ultimo simannan, Rio a registra varios episodio di violencia cu a sacudi e ciudad, tiramento, hortamento den transporte publico den cual a usa un granat casero y ehecucion di tres dokter na barrio

Barra da Tijuca. Autoridadnan ta sospecha cu e tres dokter tabata bishita Rio pa participa den un congreso. Nan a ser asesina “debi na un fout,” memey di un discusion entre narcotraficante y milicia di polis den region west. Imagennan aereo di TV Globo tabata muestra e narcotraficantenan na Mare cu tabata train tactica di guerra arma cu fusil, den un stadion ubica cerca di scol.

Pa e motibo aki, Gobierno di Lula da Silva a anuncia un plan nacional di enfrentamento contra organisacionnan criminal, den coordinacion cu autoridadnan di estadonan, cu cual ta pretende inverti 900 miyon real (180 miyon dolar) den proximo tres aña.

Delincuentenan a baha for di un auto na Avenida Lucio Costa diahuebs di siman pasa den oranan di marduga y a tira mata e hendenan cu tabata come na un mesa.

Segun medionan Brasileiro, e victimanan di ken nan nomber no a bira conoci, tabata dokternan cu tabata asistiendo na un congreso internacional di cirugia y tabata hospedando na Hotel Windsor den e mesun avenida unda a comete e crimen.

E confusion di e sicarionan, segun polis, tabata pa e parecido di un homber cu nan tabata kier asesina, cu ta lider di un grupo rival y ta biba na 200 meter di e luga di e asesinato.

Nicaragua por keda sin pastoornan debi na represion di Daniel Ortega

(Infobae) – Na e momentonan aki, esnan cu ta eherce como pastoor na Nicaragua ta den riesgo halto debi na e control di Daniel Ortega.

Durante un misa, sacerdote Alvaro Toledo, pastoor di e misa Nuestra Señora de la Asuncion di e ciudad di Ocotlán, lamenta e detencion di dos di su compañeronan y comenta cu “tabatin un rumor cu nan tambe a hiba mi, e berdad ta cu nos no sa ya. Den cualkier momento nan por bin pa nos, pero nos tin paz y consenshi tranquil.”

Cu e captura di Toledo, ta 12

pastoor cu dictadura di Daniel Ortega ta mantene preso, memey di un spiraal di persecucion religioso, cu segun investigado Martha Patricia Molina, “ta busca disparece Iglesia Catolico na Nicaragua.”

Persecucion religioso a sufrir un aumento “significativo” na Nicaragua den ultimo tres aña aki, segun un rapport reciente di Molina ta detaya y ta registra 667 atake contra iglesia catolico entre april di 2018 y augustus di 2023. E atakenan exponi den rapport ta indica, hortamento, daño na infraestructura religioso, inmovilizacion di



cuentanan di banco, confiscacion, menasa di morto, difamacion publico, agresion verbal y fisico, exilio, expulsion, a kita nacionalidad, se-

cuestro, ceramento y mensahenan di odio, entre otro.

Molina ta señala cu ta ehecucion ta agresion “frecuentemente”

for di 2018, ora a registra 90 atake contra Iglesia Catolico, pero “e comportamiento refleja durante e tres ultimo aña ta demostra un aumento notabel.”

Segun e rapport, 214 cu a ser ataca a haya menasa di morto, difamacion, intimidacion, y impedi nan di realisa nan actividad di pastoor na Nicaragua.

Celebracionnan religioso riba caya a bira prohibi. Na Semana Santo di aña pasa a prohibi 3.176 procesion na henter e pais loka ta demostra cu iglesia no por haci actividadnan na caya.

Segun un estudio nobo, Ecuador a bira centro di blanqueo di capital

(Infobae) – Labamento di activo ta e segundo expresion di crimen organisa na Ecuador, supera solamente pa narcotrafico. Un estudio reciente di Observatorio Ecuatoriano di Crimen Organisa (OECO) a revela como e pais a bira un centro di blanqueo di capital y cua hurisdiccion cu ta e hub di economia criminal vincula cu e delito aki.

Pa obtene e resultadonan aki, OECO a desaroya seis tayer interactivo na provincianan di Carchi, El Oro, Guayas, Manabí, Santa Elena y Sucumbíos cu 116 representante di institucion vincula na sector di seguridad y husticia di Estado Ecuatoriano.



Na esaki a uni encuestanan anonimo y entrevistanan semi-estructura grupal.

Loke nan a haya prome ta cu narcotrafico ta e expresion principal di crimen organisa

na Ecuador, cu 23% di repercusion, despues labamento di activo cu 17%, corrupcion den tur institucion di Estado cu 16%, trafico di arma 10% y finalmente trafico di hidrocarburo relaciona cu narcotrafico cu 9%, segun e rapport ta señala.

Blanqueamento di capital ta comprondi como e proceso cu ta permiti cu bienes di origen ilicito ta integra den sistema economico legal aparentando cu a ser obteni di forma legal. Tocante labamento di activo, OECO ta indica cu e delito aki ta concentra den actividadnan economico relaciona cu construccion, compra y benta di propiedad y auto, botica, restaurant, gasolin sta-

tion y centronan di gamble.

Di mesun manera, a indica cu entre mas grandi e desigualdad di entrada ta den un provincia cu waf internacional, mayor ta e oportunidad di genera actividad of compania pa laba placa.

OECO a determina cu Manta, na Manabí ta e “business center di crimen organisa,” debi cu e negoshinan cu organizacion criminal y transnacional, como tambe cierto politico ta establece na e provincia aki pa pone nan entrada ilicito den sistema economico formal. Aunke un otro estudio a detecta cu Guayaquil ta e punto central di labamento di activo na e pais.

Puerto Rico: Gobierno ta anuncia asignacion di \$11 miyon pa expande alcance di centronan di cuido infantil

(ElNuevoDia) – **Administracion para el Cuidado y Desarrollo Integral de la Niñez (Acuden) lo por tuma 1500 mucha adicional den nan centronan di cuido infantil, danki na un inversion di fondonan federal, cu ta yega na \$11 miyon, cu lo permiti fortalece e programa Child Care 100x35.**

Segun e comunicado di prensa publica pa La Fortaleza, Child Care 100x35 ta busca garantiza cu e mucha- y famianan di Puerto Rico tin acceso na servicio di cuido infantil di calidad, y e inversion anuncia ta representa un paso significativo den e direccion ey.

Diaranson ultimo, a bira conoci cu casi e mita di e mas di 121 mil menornan di edad te cu cinco aña na e isla no ta disfruta di servicionan bao e programa Child Care, un situacion, cu e hefe di Acuden, Roberto Carlos Pagan, a delanta cu el lo percura pa atende mediante e creacion di centronan di cuido nobo.

“Si nos hib’e na calculacion, nos tin 60 mil mucha cu ta wordo atendi, mas o menos, y tin 60 mil mucha afo, asina ta cu tin un gran oportunidad di por expande e servicionan y promove pa mas centronan di cuido habri,” e funcionario a bisa den un entrevista cu El Nuevo Dia algun dia atras. E menornan aki, el a splica, ta

wordo atendi a traves di centronan di cuido cu licencia di e gobierno y programanan di Child Care, cu ta sirbi alrededor di 34 mil menor; y Head Start y Early Head Start, cu tin, den total, alrededor di 27 mil mucha.

El a subraya cu te aworaki te 53 municipio, es decir, mas di dos tercera parti di e 78 pueblonan, por wordo considera cu no ta ricibi servicio.

E necesidad mas grandi, segun Acuden, ta na Juana Diaz, cu 330 menor cu falta e servicio.

“E accion aki ta representa un respuesta inmediato na e necesidadnan di nos famian-



an y na e desaroyo integral di nos muchanan. Den mi gobierno, nos ta comprometi cu sigura cu tur e muchanan ta ricibi tur e servicionan cu nan tin mester. Cu e inversion

nobo aki di \$11 miyon, nos ta demostrando nos compromiso firme cu e muchanan y cu e futuro di Puerto Rico,” e gobernador Pedro Pierluisi a expresa diabierna ultimo.

Republica Dominicana: Estado Dominicano mester paga mas di 43 miyon dollar na ex-administradornan di Duquesa

(DiarioLibre) – **Estado Dominicano mester paga 43 miyon 590 mil 090 dollar na Micheal Lee-Chin, accionista mayoritario di Lajun Corporation, S.R.L., empresa cu a administra for di 2007 pa 2017 e dump di Duquesa, cual su maneho no adecua di e residuonan solido tabata e centro di un pleito hudicial cu a termina cu e contract despues di un disposicion di Tribunal Superior Administrativo (TSA) di Republica Dominicana.**

Na april di 2018 Lajun a presenta un notificacion di arbitraje internacional den cual e tabata exige un compensacion di 676.2 miyon di dollar, bao e acusacion cu e pais no



a cumpli cu su obligacionnan internacional di e Tratado di Comercio Liber celebra entre Republica Dominicana y e Comidad di Caribe (CARICOM).

E tribunal a concede e pago di

43.590.090 dollar y a distribui e costonan di e proceso den partinan igual. Mirando e decision emiti diabierna 6 di october di 2023, un ekipo di expertonan tecnico, specialistanan y e bufete di abogado

cu a representa e Estado Dominicano, lo realiza un analisis extenso di e fayto pa determina e proximo pasonan pa sigui.

“E decision di e tribunal no tabata unanime, ya cu un di

e arbitronan a emiti un voto disidente na favor di e Estado Dominicano. Esaki ta resalta e complejidad di e caso y e perspectivanan divergente entre e miembronan di e tribunal,” un comunicado di e Ministerio di Industria, Comercio y Pipymes (MICM), a indica.

E MICM a recorda cu, na juli di 2017, e Ministerionan di Medio Ambiente y Salud Publico a emiti un declaratorio di Emergencia Ambiental y Sanitario di e provincia di Santo Domingo y e Distrito Nacional, motiva den problemanan sanitario y e riesgo inminente di e maneho no adecua di e residuonan solido di e dump Duquesa, e tempo ey bao administracion di Lajun Corporation.

Venezuela: Henrique Capriles a retira su candidatura di eleccion primaria na favor di un “unidad berdadero”

(LaPatilla) – **Pre-candidato Henrique Capriles Radonski a anuncia diadomingo anochi cu el a retira su candidatura pa eleccion primaria cu ta bay tuma luga dia 22 di october na favor di un “unidad berdadero”.**

“E ta un realidad cu aki nos mester facilita un opcion cu por. E ta un realidad cu mester facilita y materialisa e obhetivo. Mi lo sigui busca husticia,” Capriles a comenta

durante un transmision en bibo riba su rednan social.

“Mi ta kere ta obvio cu nos mester yuda pa facilita e construccion di e unidad, y e ta obvio cu nos no por sigui laga e tempo pasa,” el a enfatisa. “P’esey mi ta pone mi candidatura den e eleccion primaria na orden di e basenan di e partido cu a scoge mi,” Capriles a anuncia.

Segun e criteria di e dirigente di Primero Justicia, “Mi ta



bay como militante, pa construi den e cambio di 2024, pa

construi e unidad, pasobra e Venezuela cu ta bin no por ta

pa mantene e conflicto.”

Capriles a sigura cu e lo manda un carta pa e Comisiom Nacional de Primaria, cual el a gradici pa su trabao.

Di mesun manera, el a manda un mensahe na e militancia y base di Primero Justicia: “Compañeronan, for di gratitud, mi ta pone den boso man e construccion di un opcion viabel pa 2024. Tur mi experiencia, mi conocimiento, nos ta pone na orden di e unidad.”

Aruba Bank ta clausura campaña di hipoteca cu ganador di 15 mil florin

Durante luna di april, Aruba Bank a lansa cu campaña di hipoteca, "Realisa bo cas". A peticion di clientenan a extende e campaña cu un periodo mas, pa duracion di tres (3) luna, cu a inicia na juli 2023 te cu september 2023. Tur persona cu a aplica y a finalisa nan proceso di hipoteca durante e periodo di juli te cu september 2023 auto-

maticamente a participa pa gana AWG 15.000.

Vincent Henry a construi su cas durante e periodo di campaña y a gana e suma di AWG 15,000. Vincent a ricibi tur conseho di hipoteca for di nos experto den hipoteca Jane Lacle, y asina a logra realisa su cas nobo cu un hipoteca di Aruba Bank. Vincent ta sumamente contento cu e suma ricibi y awor

por sigui pa amplia su cas danki na e suma adicional.

Aruba Bank ta felicita e feliz ganador y ta gradici'e pa su confiansa den Aruba Bank pa yud'e realisa e cas di su soño. Nos kier recorda tur persona cu ta desea di aplica pa un hipoteca cu por ricibi traha un cita usando nos Appointment tool riba nos website www.arubabank.com.



Aruba Lions Club a instala varios miembro nobo



E club di servicio Aruba Lions den su afan pa cumpli cu e deseo di Lions Club International cu ta buscando pa yega su 1.5 miyon di miembro na nivel mundial tambe ta reclutando boluntarionan pa nos isla di Aruba. Si bo ta un persona cu ta gusta yuda den proyectonan comunitario y ta desea di duna un man den nos Club di Servicio anto Aruba Lions Club ta e club pa abo ta parti di dje. Den nos "Den" (club) di Aruba Lions a instala :



- | | |
|------------------|-------------------------|
| - Nicole Ruiz | - Gregory Trim |
| - Ghislain Lampe | Aruba Lions Club ta |
| - Marc Fowler | un club di servicio |
| - Neomar Croes | cu ta brinda Aruba e |
| - Maximo Lampe | servicio comunitario ya |
| - Hilda Statia | pa 76 aña. We serve! |
| - Feyner Mejia | |

Fundacion
Parke Nacional Aruba
is looking for
Accounting Associate

Who is committed to the
conservation of nature
in Aruba

Application deadline
26 October 2023

Please send your resume
and a motivation letter
to Ms. Avonda Powell at
hr@arubanationalpark.org



BONDIA
ARUBA

Bo ta stima bo yiu
BISA NO Na abuso di
Mucha...
HASI USO DI CARSEAT

Polis a detene chauffeur burachi cu a bay dal tras di auto na Sabana Liber



Diadomingo anochi a drenta informe di un accidente cu hende herida dilanti Hoe Hin Supermarket na Sabana Liber, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu un chauffeur burachi no a regula su velocidad ni a mantene distancia a bay dal tras di un Nissan March y a laga e chauffeur herida. Polis a nota cu e chauffeur ta burachi y a detene. Na yegada di e ambulance nan a atende e victima y a transporte pa hospital.

Like us on Facebook

facebook.com/bondianoticia

Polis a detene chauffeur burachi cu tabata core zig zag riba caminda cu 2 mucha chikito

Diadomingo anochi a drenta informe di cu tin un chauffeur ta core zig zag riba e caminda di Paradera pa rotonde Paperclip, mesora a dirigi patruyanana pa bay intercepte prome cu e ocasiona

un accidente.

Ta te na altura di Hua Run Supermarket patruyanana a logra par'e pabao di caminda. Polis a nota cu e chauffeur ta burachi y a detene. Ora polis a wak bon den e auto a haya

2 mucha chikito sinta patras den e auto. Na yegada di e vehiculo di transporte a hiba e chauffeur pa warda di polis mientras e patruya a bay hiba e muchanan na nan cas.



Biba Un Experiencia Superior

24/7 BANKING

Ora bo tin
MAS OPCION
Tur cos ta mas facil

SMART DEPOSIT MACHINE

E-APPOINTMENT

APP

KIOSK

ONLINE .com

Servicionan cu ta **simplifica bo bida**

www.arubabank.com
Find us on: f i y i n

Arubabank

Polis a bay na Purun pa un persona menasa cu un herment

Dialuna mainta a drenta informe di un caso di menasa na Purun, mesora a dirigi un patruya na e sitio.


Na yegada di e patruya a bin compronde cu un persona a menasa e otro cu un herment. Polis a tuma su declaracion y a informe pa e bay entrega keho di menasa na oficina di recherche.



Polis a bay pa un bringamento den Stadionweg

Diadomingo anochi a drenta informe di un bringamento den Stadionweg, mesora a dirigi un patruya na e sitio.

Na yegada di e patruya no a bin haya pelea pero si 2 persona den un pleito. Polis a papia cu ambos separadamente y a bisa nan e consecuncianan di bringa riba caya. Despues di basta papiamento polis a tuma nan personalia y a manda nan nan respectivo cas cu un actitud pasivo.



Polis a detene chauffeur burachi cu a subi caminda dilanti auto na Shiribana



Diadomingo anochi a drenta informe di un accidente na Shiribana, mesora a dirigi un patruya na e sitio.

Na yegada di e patruya a bin compronde cu un Chevrolet Spark a subi caminda dilanti Lox Xing Supermarket sin a duna preferencia na e Suzuki Grand Vitara y nan a dal den otro. Afortunadamente ningun hende a resulta herida. Polis a nota cu e chauffeur di e Spark ta burachi y a detene. E vehiculo di transporte a



presenta y a hiba e chauffeur pa warda di polis mientras takelwagen a kita e Spark for di caminda.

Polis a bay pa un problema di pareha na Maracastraat



Diadomingo anochi a drenta informe di un problema di pareha na Maracastraat, mesora a dirigi un patruya na e sitio.

Na yegada di e patruya a bin compronde kico e situacion ta y polis a splica ambos kico

kiermen pareha cu ta uni y ta bira un unda nan mester papia cu otro den un forma mas pacifico y no recurri na violencia pasobra e ora ey nan lo mester bay deal cu ley y lo tin consecuencia. Despues di cu polis a caba di papia cu nan e situacion a calma y polis por a sigi cu su patruya.

Polis a detene chauffeur burachi cu a dal auto



Diadomingo anochi a drenta informe di un accidente den Concessielaan, mesora a dirigi un patruya na e sitio.

Na yegada di e patruya a bin compronde cu e chauffeur di e Kia Picanto a dal den banda

di un Volkswagen Foxstar staciona. E impacto aki a causa cu e wiel banda drechi dilanti su arm a kibra y no por sigui core. Ora cu polis a pone e chauffeur supla esaki a surpasa e limite y a detene. Afortunadamente ningun hende a resulta herida.



Dama chauffeur ta accidenta saliendo for di rotonde Pos Chikito y a resulta herida



Diadomingo mainta a drenta informe di un accidente pabao di rotonde Pos Chikito cu hende herida, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e dama

chauffeur bayendo pabao a perde control saliendo for di e rotonde y a perde control y a bay dal e vangrails memey di e camindanan. E impacto tabata fuerte te pa e dama keha di dolor na su boca, cabes y nek. Na yegada di e ambulance nan a atende e dama y a transporte pa hospital.

Helicopter a spot y a señala chauffeur cu a huy for di sitio despues di a bolter cu un Nissan March



Diadomingo madruga a drenta informe di un accidente cu hende herida na Savaneta, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un Nissan March cu a perde control y bolter kibra un cura y un meter di awa di e cas, e chauffeur mes a core bay pero pa puro casualidad e helicopter tabata cerca y a señala e chauffeur y a pone bolbe na e sitio. Na yegada di e ambulance e chauffeur no tabata desea atencion.



Pelea a hera start na Sero Blanco ora un a bay reclama e otro!



Diadomingo merdia a drenta informe di situacion cu tabata bayendo for di man na Sero Blanco, mesora a dirigi un patruya na e sitio.

Na yegada di e patruya a bin compronde cu aki ta trata di

un problema cu un a bay reclama e otro y e otro a responde cu violencia. Tur esaki pa motibo di toca musica duro, polis a intermedia entre nan y a musta nan e caminda pa cana y tambe e consecucionan di recurri na violencia.



Aruba Astro Research Int. Ta anuncia actividad pa observa Eclipse Anular di Solo Saros diasabra awo.

Aruba Astro Research Int. asociancion nacional Arubiano di astronomia cu 31 aña manehando y dirigiendo e tereno di astronomia aki na Aruba, pa medio di su presidente Sr. Marcos Bislip den calidad como astronomico y representante oficial pa cu e tereno di astronomia aki na Aruba, y director nacional pa cu evento di eclipse solar y lunar y tur evento di astronomia general na Aruba, y miembro di Astronomical League, IWGE International Working Group for Eclipses y parti di e team di NASA GSFC di Fred Espenak y di Profesor Jay M. Pasachoff di Williams College University y Hopkins Observatory ta informa na e comunidad di Aruba oficialmente cu Diasabra dia 14 di october 2023 lo tuma lugar un eclipse annular di solo saros 134 e di 44 miembro di e 71 famia Saros.

Aruba mes lo experiencia un Eclipse Parcial di Solo di 70% hunto cu e parti nort di Venezuela y Guyana Ingles como tambe Surinam y French Guy-

ana na e partinan mas panort. Mientras cu Cuba, Jamaica, Haiti, Republica Dominicana, Puerto Rico, Corsou, Boneiro, Isla di Margarita, Trinidad & Tobago ta 60% mas panort di Puerto Rico ta 50% di Eclipse Parcial.

Ta bon pa menciona cu durante un Eclipse Annular di Solo den su pasada conoce solamente 90%. E data ta di NASA GSFC di Fred Espenak y cu tur miembro di e International Working Group for Eclipses ta usa esta Aruba Astro Research Int. como e instancia oficial y Sr. Marcos Bislip como e representante pa cu e tereno di astronomia y eclipse solar aki na Aruba nombra pa gobierno y tambe como miembro di IWGE.

E eclipse annular di solo su pasada mes ta inicia na Merca na Oregon sigui pa Dune City, pasa over di Newport, Crater Lake National Park, sigui pa Umpqua y Fremont National Forest, Eugene, y Medford. Despues di pasa over di noordoost di California den Modoc National Forest e lo biaha pa Nevada pasa over di Black Rock Desert despues pa Utah sigui pa

Diasabra Dia 14 di October 2023 lo tuma lugar un Eclipse Annular di Solo Saros 134

Arizona zuidwest di Colorado sigui pa New Mexico, Farmington, Albuquerque, Santa Fe, Roswell y Carsblad despues drenta Texas, Midland, San Antonio y Corpus Cristi y drenta Golfo di Mexico, sigui pa e penninsula di Yucatan sigui pa Belize, Honduras, Nicaragua, Costa Rica, Panama pasa ariba Santiago y cerca di Panama City sigui despues pa Colombia y despues pa Brasil. E unico dos paisnan Sur Americano cu e pasada lo pasa ta Colombia y Brasil. Na Colombia e Eclipse lo pasa directamente ariba Pereira, Armenia, Cali, Ibaguë y Neiva na Brasil ta Amazonas te cu na Rio Grande do Norte prome cu e sombra di e luna drenta Ocean Atlantico y bay back den espacio.

Un evento asina di Eclipse Annular di Solo ta pasa cada 18 aña 11 dia conteniendo 71 evento. E serienan ta cuminsa cu eclipse parcial di solo for di Juni 22 1248, eclipse total for di october 9 1448 te cu december 24 1554 hybrid eclipse for di Januari 3 1573 pa Juni 27 1843 y annular eclipsenan di Juli 8 1861 pa Mei 21 2384 e serienan aki ta termina na 71 miembro y eclipse parcial ta termina Augustus 6 2510.

e eclipse parcial na Aruba ta inicia pa 12:42 pm di merdia y ta termina pa 16:03 ora esta 4:03 pm di atardi aki na Aruba. Mientras cu e parti mas impor-

tante di e eclipse esta e maximo di e eclipse parcial ta tuma lugar na Aruba pa 14:27 ora esta 2:27 pm di merdia di diasabra dia 14 di october 2023.

Aruba Astro Research Int. ta informa cu comunidad por manda nan potret of video di eclipse parcial di Dia 14 di October 2023 na inbox di Aruba Astro Research Int. su facebook webpage y lo wordo publica. Por sigui tur informacion di astronomia ariba www.facebook.com/arubaastro y tur Diamars anochi na radio na TOP FM 95.1 despues di 10 pm den e programa Hit Express esta Astro News cu tin 13 aña den aire. E parti di seguridad pa observa e eclipse parcial di solo ta di vital importancia pa e comunidad specialmente cerca nos muchanan no observa e solo sin proteccion pa wowo, usa un bril di eclipse di solo y no mira nunca den un verijker of telescop. E solo e ta un peliger grandi cu e ta kima bo retina di bo wowo y nunca bay mira den un verijker of telescop cu bril di eclipse di solo of un filter di eclipse di solo, e ta kima e filter y bo retina di bo wowo. Usa filternan ISO 12312-2:2015 e certificate solar safe esaki ta conta pa brillan di eclipse di solo y filternan pa por observa como tambe pa filternan pa telescop, verijker (binocular), camara pa saca potret pa haci filmacion y transmision. Por traha un DIY eclipse viewer

cu un caha di sapato: bora un buraco di 2.5 centimeter den e caha e parti central y pone un pida foil dilanti di e buraco, tape esaki, ta bora un buraco chikito den e papel di foil y paden di e caha ta pone un papel blanco, tape esaki na unda e solo ta bay refleha y despues traha un otro buraco chikito na banda di e caha pa por observa safe e eclipse di solo. E instruccionnan y con pa haci esaki ta wordo ilustra ariba facebook webpage y website di Aruba Astro Research Int. Nos tin algun bril di solo. nan ta limita.

Por contact nos na 5629407 pa mas informacion di e eclipse parcial di solo cu lo wordo observa aki na Aruba dia 14 di october 2023 y nos facebook ta www.facebook.com/arubaastro y na website www.arubaastro-research21.mystrikingly.com.

Sr. Marcos Bislip director nacional pa cu eclipse na Aruba ta e persona oficial cu ta dirigi, maneha y guia e evento di eclipse parcial di solo na Aruba tur pregunta por wordo haci na Sr. Marcos Bislip. Aruba Astro Research Int. y Sr. Marcos Bislip ta bay ta na Sta. Cruz diasabra dia 14 di october 2023 hunto cu un team di boluntarionan lo saca potret, haci filmacion y lo trata di transmiti esaki via di e canal di television ariba YouTube di Aruba Astro Research Int. y si por ariba radio.

Sistema di limpieza nobo a saca 46,000 kg di plastic den un luna



(NLTimes) - Proyecto di restauracion Hulandes Ocean Cleanup recientemente a conduci un expedicion grandi pa test nan tecnologia nobo. E organisacion aki a anuncia siman pasa cu nan a saca mas di 45 ton di plastic durante un biage, usando nan sistema di extraccion nobo yama System 03.

Ocean Cleanup ta un proyecto lansa

pa inventor Hulandes Boyan Slat. E sistema ta consisti di un muraya flotante den e forma di letter U. E barconan ta nabega alrededor di e muraya aki pa saca e plastic y hiba esaki tera. Pa fin di augustus, nan a lansa System 03 pa prome biaha. Riba diabierna nan a anuncia riba rednan social cu e sistema a completa su prome biaha na Great Pacific Garbage Patch, sacando ma di 45 ton di plastic. Durante e ex-

pedicion, nan a ehecuta 5 extraccion di plastic cu un solo biahe kibrando record cu 18 tonelada di plastic. E expedicion aki a provee un oportunidad pa test varios mehoracion. Mientras System 02 tabatin halanan 3 meter hundo, System 03 ta yega 4 meter hundo. Tambe a expande e zona di retencion y e area di extraccion pa awo nan por wanta un volumen pas halto di plastic. Camaranan

adicional tambe a keda instala pa monitor e parti interior di e zona di retencion.

“Henter e biahe tabata relativamente sin problema,” ingeniero mecanico Fedde Poppenk a splica. “Ora bo introduci algo nobo, semper bo mester premira algun problema chikito, pero nos no a perde hopi tempo riba esaki. Tur cos a bay bon,” el a agrega.

Ceremonia di despedida pa e delegacion Arubano cu pronto lo sali pa e Weganan Panamericano Santiago 2023

Diabierna dilanti nan oficina nobo, Comité Olimpico Arubano(COA) a tene un anochi ameno y masha special, unda a celebra e ceremonia di despedida di e delegacion Arubano cu proximamente lo sali pa e Weganan Panamericano Santiago 2023.

Presente na e ocasion special aki, nos por a mira algun di nos atletanan y nan coachnan, miembronan di directiva di COA, Minister di Enseñansa y Deporte, Endy Croes, direccion tecnico di COA, mayornan, federacionnan deportivo, invitadonan special, patrocinadonan. Secretaria general di COA y alabes vice-presidente di IOC, Sra. Nicole Hoevertsz como tambe Minister Croes a hiba palabra na e anochi aki. Loke mas a resalta den e discurso nan tabata e colaboracion y cooperacion cu nos mester brinda na otro pa cada bes nos dal un stap padilanti. Na e atletanan carga y defende e bandera di bo isla cu tur honor, un sentimento di patriotismo mester reina or abo bisti e uniform di Aruba na tur momento. Corda cu bo ta e embahador maximo di bo isla den exterior. A desca henter e delegacion tur clase di exito durante e dos simannan na Santiago, Chile.

E anochi a sigui cu diferente presentacion y intercambio. E compania Totto un bes mas a confecciona e uniform deportivo di e delegacion di Aruba pa e Weganan Panamericano 2023. Mas cu claro nos atletanan a modela e bunita outfit cu Team ARU lo luci cune durante e dos simannan cu nan lo permanence na Chile. Presidente di COA, Sra. Wanda Broeksema a otorga na Minister Croes, e pin oficial di Aruba pa e weganan di Santiago 2023. Tambe a otorga na Minister Croes e uniform oficial di Team ARU. Un momento di sorpresa pa tur presente tabata e desvelo di e billboard nobo di COA, e biaha aki cu algun imagen di nos atletanan cu lo competi na e Weganan Panamericano Santiago 2023. Comentarionan tabata ta 'E billboard a keda hopi bunita'. Por ultimo, COA cu gran orguyo a anuncia e compania Royal Aloe Blue como nan partner nobo.

Den su calidad como Hefe di Mision, Sr. Jonathan Wever a duna un presentacion detaya di tur loke por spera e delegacion di Aruba na Chile. Tambe su persona a introduci nos atletanan cu lo representa nos dushi isla den e weganan na Santiago 2023.

E Weganan Panamericano Santiago 2023 lo ta di 20 di oktober te cu 5 di November. Nos delegacion di Aruba ta consisti di 14 atleta den 10 evento. Aruba lo competi den e deportenan di karate, ciclismo BMX, landamento, landamento artistico, open-water, boliche, IQ foil, vela y tiro. Na e Weganan Panamericano na Santiago de Chile, lo participa alrededor di 8000 atleta di 41 pais kendenan lo bataya den 39 disciplina di deporte.

COA ta desea cada un di e integrantenan di e delegacion pa e Weganan Panamericano Santiago 2023 tur clase di exito y lo sigui nan pasonan di cerca, manteniendo pueblo di Aruba na haltura na tur momento.



Coco Gauff y Iga Swiatek no ta bay hunga den Billie Jean King Cup despues di WTA Finals

(AP) — **Campeon di US Open, Coco Gauff a keda afo di team Mericano pa e Billie Jean King Cup Finals ayera, mientras rango number 2, Iga Swiatek di Polonia no ta bay na e evento pa di dos aña consecutivo.**

Gauff y Jessica Pegula, e dos hungador Mericano di rango mas halto, ambos tabata ausente di e team USA anuncia ayera. Madison Keys, Sofia Kenin, Danielle Collins, Sloane Stephens y Taylor Townsend ta bay hunga pa

Merca na e evento dia 7 pa 12 di november na Seville, Spaña.

E competencia di team mas grandi den tennis femenino ta cuminsa apenas dos dia despues di e clausura di WTA Finals na Cancun, Mexico, cu ta bay conta e cu top ocho hungador den e tour – incluyendo Gauff, Pegula y Swiatek.

Swiatek, kende tabata rango No. 1 e tempo ey, no a bay e Billie Jean King Cup na Glasgow, Escocia, pa motibo

di un situacion similar cu schedule. El a bisa e tempo ey cu “e situacion no ta safe pa nos salud” ora cu hungador nan mester biaha asina largo pa e evento di 12 team – cu ta organisa pa Federacion Internacional di Tennis – net despues di e WTA Finals. El a keda afo di team Polonia ayera.

Diadomingo Gauff a anuncia cu e ta retirando for di e torneo Zhengzhou Open na China e siman aki pa motibo di un lesion di schouder cu a molestie durante su perdida



contra Swiatek den e semifinal di China Open siman pasa. Swiatek a gana e torneo

ey diadomingo pa su di cinco titulo di e aña.



(NLTimes) – **Un steward di PEC Zwolle a keda agredi durante e partido di Eredivisie entre e club di Overijssel y Feyenoord**

na Zwolle diadomingo atardi. Polis a aresta tres persona pa e atake.

Varios sostenedor di Zwolle a

Steward di PEC Zwolle agredi durante partido contra Feyenoord

yega pa presencia e partido a pesar di ta prohibi for di e stadion pa motibo di transgresionnan den pasado, segun PEC Zwolle a bisa den un declaracion riba su website. Stewards di Zwolle a atende cu nan, y tur menos un a bandona e sitio, segun e club.

Despues un otro steward a papia cu e homber cu a nenga di bay. Varios hende e ora a “seriamente agredi” e steward, segun e club a skirbi.

Polis a tuma over seguridad na e evento despues di e atake

y a dicidi di restaura orden publico, segun PEC Zwolle. “Esey a conduci, entre otros, na e ciere di algun salida despues di e partido y multitudnan grandi rond di dje.” E club a bisa cu tabata “hopi fastioso” cu e situacion aki causa pa un grupito a afecta asina hopi otro sostenedor causando cu nan a sinti insegur.

PEC Zwolle ta bay “sigui evalua y investiga henter e situacion” den proximo dianan.

Polis a aresta tres homber,

edad 29, 59 y 49 aña, bao sospecha di ta involucra den e atake. “Violencia contra hende cu ta eynan pa sigura un partido safe ta inacceptable,” polis di Overijssel a bisa riba X. “E tres persona ta den custodia y mas investigacion riba e incidente ta andando.”

Na augustus, NOS a reporta cu KNVB a impone 15 multa na total di 84mil euro riba PEC Zwolle pa mal comportamiento di fanaticonan desde pandemia. PEC Zwolle tabatin e mayor cantidad di multa di tur club den Eresivisie.

Weganan Asiatico ta clausura cu China dominando e conteo di medaya



(AP) — **Weganan Asiatico a clausura diadomingo ultimo, cu China dominando e conteo di medaya, sigui pa Hapon y Sur Korea.**

China tradicionalmente ta fuerte den e evento y tabata asina un biaha mas, tumando bentaha di ta na cas na e ciu-

dad oriental di Hangzhou. E Weganan Asiatico a conta cu mas competidor cu e Olimpiada di Berano proximo aña na Paris. Como 12,500 persona a participa, compara cu e 10,500 spera na Francia. E weganan a ofrece tur deporte Olimpico tradicional y tambe un bista di un deporte cu ta bay preview proximo



aña na Paris – breaking, of breakdancing. Y otro, cricket, cu ta bay ta inclui na sea e Olimpiada 2028 na Los Angeles of na 2032 na Brisbane.

Tambe el a ofrece algun competencia no mira na ningun otro lugar den un evento multi-sport: dragon boat racing, kabaddi, sepaktakraw

(volleyball di pia), basketball 3x3 y roller skating. A reporta cu China a gasta como \$30 biyon pa prepara Hangzhou como un gran escenario pa demostra su poder economico na su bisiñanan, impresiona e poblacion local y promove e ciudad. E organisadornan tambe tabatin un aña adicional pa prepara, pos-

poni for di 2022 pa motibo di pandemia di Covid-19. Maske China, Hapon y Sur Korea ta e podernan den Weganan Asiatico, hopi otro nacion y teritorio chikito – 45 tabata representa – tin chens di gana medaya, cu hopi no ta capaz di haci na e Olimpiada mas grandi.

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Lider di oposicion mr. Mike Eman:

Gabinete Wever-Croes a distancia y ta ciego pa realidad di Pueblo

“Den e dianan aki diferente empresa a manda notifica nan clientenan cu nan ta bay subi nan prijs, pasobra e introduccion di 7% BBO na frontera a subi nan costo di operacion cu nan tin cu pasa pa e cliente. Pero Gabinete Wever-Croes tur tempo a keda insisti cu e 7% BBO na frontera lo no tin efecto riba prijs. Awe lo contrario ta resulta atrobe; companianan ta informando clientenan di aumento pa motibo di e 7% BBO na frontera”, Asina mr. Mike Eman a declara na Prensa den fin di siman.

Gabinete Wever-Croes a causa un tormenta pa pueblo

Como lider di fraccion di AVP y lider di oposicion, mr. Mike Eman ta muestra cu e tin un preocupacion grandi cu e forma con Gabinete Wever Croes II, a bin ta birando lomba pa pueblo di Aruba y no ta wak kico ta biba den pueblo y comercio. Na e mes momento Eman ta señala cu comunidad di Aruba, pa algun tempo caba a bin haya su mes cu medidanan di Gabinete Wever-croes den locual por wordo considera e “perfect storm” di problemanan social- economico. E mesun gobierno cu ta causando e problemanan aki ta fayando barbaremente tambe pa reconoce e consecuencianan di nan maneho y no ta atende cu tur reto cu tin pa Pueblo. E “tormenta perfecto” aki, ta wordo caracteriza pa dolor, pena, pobreza falta di perspectiva y tambe fracturacion den famia y barionan.

Desolacion den pueblo

“Nos ta constata un bashi, un perdida grandi pa loko ta confiansa basico cu mester existi y ta forsa di cualkier desaroyo den nos pueblo. Nos por mira

tambe un buskeda pa tapa dolor cu actividadnan momentaneo cu no ta mehora e situacion di nos hogarnan. Na final e scapadanan momentaneo ta conduci na mas reto socio- economico pa familiarnan na Aruba, cual lo engrandece ainda mas e sentimento di abandono aki di parti di gobierno. Nos ta mira un preocupacion creciente di nos hendenan pa loko ta pobreza den nos pais, e desintegracion social, aumento di crimen y un fracturacion di balornan. Hasta e clase media ta den un lucha di sobrevivencia.

Inseguridad combina cu ausencia total di perspectiva

Na e momentonan aki ta reina un sentimento di inseguridad riba kico futuro di e calidad di bida lo bay ta. Tin un falta total di un entrada cu ta alcanza e gastonan mensual pa miles di famia na Aruba. Tur cos ta sigui subi y no tin ningun indicacion con e poder di compra lo por wordo recupera na man di un gobierno di medida. “Ta bisto cu confiansa di consumidornan ta na un punto hopi abou y e proceso di deterioro fisico ta bisto den diferente sector di nos comunidad. Tur esaki mientras cu comunidad ta enfrentando un aumento continuo di un grupo grandi di ciudadanonan cu ta bibando cerca of bou di loko ta e limite di pobreza”, mr. Mike Eman ta enfatisa

Mester codifica bestaanszekerheid y introduci Sociaal Cultureel Planbureau

Hustamente pa evita e locual un gobierno manera Gabinete Wever-Croes por causa na dolor y sufrimento den pueblo e ta importante pa pone den Constitucion e responsabilidad di un gobierno pa



Lider di Oposicion, mr. Mike Eman ta scucha dolor di pueblo den bario di Bushiri

percura e “bestaanszekerheid” di Pueblo, e lider di oposicion mr. Mike Eman ta enfatisa. E ta bisa cu fraccion di AVP ta trahando riba un reforma legislativo asina pa ancora “bestaanszekerheid” den constitucion pa fortifica e obligacion di gobierno pa percura pa e existencia basico di pueblo. Locual nos ta bibando awe na sufrimento y negligencia a yega di sosode den mas gobernacion di signatura di MEP.

Tambe mr. Eman ta muestra cu e situacion actual ta accentua tambe e necesidad di un instituto manera cu a fraccion di AVP ta propone pa Aruba, esta un Sociaal Cultureel Planbureau Aruba (SCPA). Un instituto asina cu estudionan lo trek aan de bel ora tin tipo di negligencianan socioeconomico asina, e ta bisa. P’esey AVP lo busca “draagvlak” den comunidad pa bin cu un SCPA.

Ta momento pa nos re-descubri nos vision comun y inverti den e bienestar general y e momento a yega pa cambio, caminda nos tin cu uni forsa y traha pa un futuro positivo pa nos pais,” e lider di oposicion, mr. Mike Eman a finalisa bisando.



En conexion Dia di Bombero, Prome Minister Evelyn Wever-Croes, den nomber di Gobierno di Aruba, ta gradici tur ciudadano di nos pais cu ta bisti uniform di curashi y balentia, nos bomberonan. Riba dia di Bombero, 9 di October, como un pueblo uni, nos ta honra nos ciudadanonan aki y ta gradici nan profundamente pa e trabou cu nan ta eherce pa brinda e siguridad na momento cu ta necesario.

Dilanti vlamnan di candela y retonan den comunidad, nos bomberonan ta muestra

e spirito berdadero di ta heroenan. Nan ta bay dilanti peliger na momento cu otro nan lo mester huy poniendo nan bida na peliger pa asina



Prome Minister Evelyn Wever-Croes riba Dia di Bombero: Danki na nos cuerpo di bombero pa e trabou cu nan ta eherciendo pa e siguridad di nos tur

proteha nos cas, nos comunidad. Nan compromiso cu nos pueblo ta bay mas leu cu paga candela. Nan ta esnan cu ta wordo yama den tur situacion insegur. Y pa e motibo aki, nan no solamente merece nos aprecio, sino tambe nos respet. Prome Minister, den nomber di Gobierno di Aruba y pueblo di Aruba, ta



gradici Cuerpo di Bombero di Aruba pa e trabou cu nan ta eherciendo pa e siguridad di nos tur.

“Ban laga e trabou di bombero, nan actonan den nos comunidad, inspira cada un di nos pa ta miho ciudadanonan, pa tin mas curashi y pa brinda yudansa na nos

bisiñanan den momentonan di necesidad. Nos ta balora e trabou cu bomberonan ta eherce. Nos ta aprecia e trabou cu nan ta haci pa nos. Un dia manera awe ta pa aumenta conscientisacion pa e comunidad yega mas cerca di nos Cuerpo di Bombero y gradici nan”, Prome Minister a expresa.

Seminario pa Student-Athletes: Un colaboracion entre EducationUSA, UStudy y USA Baseball

Un sesion educativo specialmente pa studiantenan y mayornan

Ariba diasabra dia 14 di october na Universidad di Aruba a tuma lugar e sesion titula: "College Baseball in the USA – What you need to know" di 9:00 – 11:00am dedica specifi-

camente na estudiante-atletanan cu tin e meta pa sigui nan estudio y hunga baseball na Merca.

Student-athlete adviser di EducationUSA Aruba, Jo-

Anne Croes lo inicia e sesion introduciendo kico ta e posibilidadnan y recursonan cu tin na Aruba pa nos estudiante-atletanan. UStudy educational and athletics adviser, Marina Meijer lo comparti informacion relevante tocante con pa scoge un institucion, e proceso di aplicacion y fondonan.

Sr. Drew Briese ta e head baseball coach na Centre College y lo elabora ariba diferente punto cu un famia mester tene na cuenta si kier yega e nivel aki. Y lo comparti kico e como head coach ta busca den un Student-Athlete. En general tin tres



aspecto specifico cu mester enfoca riba dje cual ta: Talento, Cifranan y Carácter. Tur tres di e elementonan aki ta mesun importante, talento ta forma solamente un tercera parti. E cifranan di school lo determina e cantidad di ayudo financiero cu un atleta por ricibi pa su estudio rebahando e gastonan y bo carácter, ta locual lo laga bo sobresali riba un otro cu tin mesun nivel di talento y cifra.

E lo ta un sesion interactivo

cu amplio oportunidad pa pregunta. Ta invita tur estudiante entre 12 – 17 aña cu tin e meta pa sigui cu nan carera como student-athlete na Merca pa atende e seminario aki dia 14 di october di 9-11am na Universidad di Aruba, Room 4.

Mester registra pa por segura un lugar, mirando cu tin un maximo cantidad di persona cu por fit den e sala. Registra aki: <https://bit.ly/studentathlete2023>




King Classic Sudoku





















					4			7
				7			3	6
9	2		3		6		4	8
	8		7		3		5	
7					2	4	8	
		1			5			
	1			4	7	8	2	3
		8	6	2	1			
2		9	5	3				4

Difficulty: ★★

10/10

©2023 King Features Syndicate, Inc.

Resultado Sorteo 9 oktober 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
2315	0041	4876	3963
4490	1112	SUPER5	6974
2215	7043	-	1878

MERDIA	ANOCHI		
 Sorteo # 4058 7176 3826 3990  X2  Sorteo # 4058 2651  Sorteo # 2114 4528  Sorteo # 4058 5992 Virgo  Sorteo # 932 320  FP	 Sorteo # 8065 7042 4088 1056  x2  Sorteo # 7109 9642  Sorteo # 1814 9020  Sorteo # 5868 5330 Gemini  Sorteo # 798 803  x3	 Sorteo # 2430 0 x Jackpot 0 x Match 4+ 0 x match 4 0 x Afl. 12,00  Sorteo # 6264 0 x Jackpot 12 x Match 4 228 x Afl. 8,00	 Joker Letter Proximo Jackpot 800.000,- 11-12-23-24-29 Proximo Jackpot 115.000,-  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00  Afl. 430.000,-  Sorteo # 

Clasificado

ECONOMICO aviso@bondia.com

Personal GRATIS max. 20 palabra
FASA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM
Email nos na
classified@csprv.com

SERVICIO PUBLICO

Limpieza pa cas y auto
Pressure wash cura di cas
Laba muebles, laba tapijt
laba vloer
Tel. 593 9464

SERVICIO PUBLICO

Buscando auto pa huur y na bon
prijs? yama nos
Tel. 593 9953/ 593 8453

TA HUUR

Un apartment, 1 camber, baño,
sala, cushina, entrada priva
Madiki 67
Tel. 593 0769 / 593 3514
583 2034

SERVICIO PUBLICO

Nos ta chapi, corta y planta
mata, brinda tur servicio cu bo
cura mester. Tira sushi afo,
Tel. 738 1908

SERVICIO PUBLICO

Sushi den cura pa solamente
50,- pa buelta, nos ta lante
lague limpi
Call 592 5766

SERVICIO PUBLICO

Masaje reductores, terapias
para el dolor, terapia infraroja,
kinesiotape, tratamiento faciales
Avicenastraat #18 local A
Tel. 566 1412 / 561 8520

SERVICIO PUBLICO

Ta traha y renoba Cas
drecha dak, ta basha vloer,
pleister, verf cas, traha cura,
pega mosaico
Tel. 563 4168

TA BENDE

Piano (no electric), cama di
1 persona, set di sala, vario
schilderij. Pone bo prijs
Cell 594 3154

TA BENDE

1 box di palo den bon condicion
Fls.50.00
Tel. 560 8929

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518 / 569 7539

SERVICIO

Unified One Events
Photos , films, wedding
Tel. 749 2533

SERVICIO PUBLICO

Nos ta haci trabou di
plomeria, electricidad,
hardineria incluye hiba sushi
Handy man.
Tel. 742 6250

SERVICIO PUBLICO

Mi ta ofrece pa cuido di mucha
di dialuna pa diabierna y
weekend. Pa informacion
Tel. 558 7310

SERVICIO

Reforsamo papiamento-español,
of español pa papiamento pa
hende mayor y mucha
Tel. 563 4641

SERVICIO PUBLICO

Pa haci trabou di verf y chapi,
tur mantencion di pafor di cas
Yama y puntra pa Benito na
Tel. 630 5185

TA BENDE BON PA VIAJA

buitassen fl.15 pa un, tasnn
pa warda asesorios pa viaja,
diferente otro tasnn handbaggn
PA INF
Tel : 593 8120/582 3023

SERVICIO PUBLICO

Mi ta ofrece servicio pa haci
reparacion di porta, ventana y
hopi mas. Pa mas informacion
Tel. 563 6762

SERVICIO PUBLICO

Pa trabou di data-entry of
update di bo administracion pls
contact:
Tel. 568 2339

SERVICIO PUBLICO

Mi ta ofrece servicio di
electricista en general corto
circuito y mantencion
Tel. 566 5026

Sushi den cura?

Ta piki sushi cu pick-up
grandi pa Afl 75,= pa buelta.
Yama nos na
561 4297 of 561 5179

SERVICIO PUBLICO

Mi ta chapi, lanta sushi, corta
mata, transporta frididaire, was-
machine biew, drecha cas, etc.
Tel. 564 1979

SERVIO PUBLICO

Ta ofrece pa verf y chapi cura
bon prijs. Nos ta hiba e sushi.
Yama pa mas informacion na
563 4828 / 5679610

TA BUSCA

trabou pa haci cas limpi,
negoshi of oficina
Tel. 561 3910



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Sta. Anna Seroe Preto
Tel. 586 8181 Tel. 584 4833

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Pronostico di tempo

Uv index: 12.

Bahada di solo: 6:25 pm.
Subida di solo: 6:29 am.

Biento:

Moderado for di direccion en-
tre oost-noordoost y oost-
zuidoost;
Forsa 3 te 4 (7 te 30 km/ora, 7
te 16 nudo).
Den dia basta fuerte te po-
siblemente fuerte den rafaga;
Forsa 5 te 6 (31 te 50 km/ora,
17 te 27 nudo).

Situacion general di tempo:

Aire relativamente seco y sta-

biel lo stroba desaroyo di nu-
bianan cu por produci awa-
sero. De vez en cuando hu-
medad por aumenta un tiki y
produci un awasero pasahero
na cierto partinan di e isla.
Sinembargo, no ta spera can-
tidadnan significante.

Condicion maritimo/ estado di lama:

Na partinan proteje di costa:
keto, rond di 1 pia.
Na partinan zuid: trankil, en-
tre 2 pa 3 pia.
Na partinan oost te noord-
west di costa: trankil te
modera entre 4 pa 5, local-
mente 6 pia.



Tempo:

Parcialmente nubia cu un
awasero breve.

Temperatura maximo 33 gra-
do celsius.

Temperatura minimo 27 gra-
do celsius.

Indice di calor (heat index)
den y rond di oranan di mer-
dia: 34 pa 45 grado celsius.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa”.
Salmo: 23



Nos ta anuncia fayecimento di:

Belen de Jesus Lugo
*26-01-1928 - †08-10-2023

Acto di entiero lo wordo anuncia despues.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

The LORD is my shepherd,
I shall not be in want. He
restores my soul.
He guides me in paths of
righteousness for his name's
sake.
Psalm 23



With deep sorrow we
announce the passing of:

Gilbert Augustine Brown
*14-09-1937 - †07-10-2023

Date and time will be announced later.

Aurora Royal Pray Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa”.
Salmo: 23



Nos ta anuncia fayecimento di:

Ramonita Erasmus-Werleman
“Nita”
*05-10-1948 - †09-10-2023

Acto di entiero lo wordo anuncia despues.

Mi Buki, Mi Cas



Biblioteca Nacional Aruba ta anuncia un otro edicion di su Festival di Buki pa Mucha. Na 2023 e tema ta ‘Mi Buki, Mi Cas’. Tur aña ta scoge un tema nobo pa duna e festival un indole diferente. Na biblioteca nos ta preparando un otro edicion pa por sigui stimula mucha pa lesa buki. E Festival di Buki pa Mucha ta dura un siman y ta tuma lugar den prome siman di November.

Semper ta habri e festival cu un fiesta grandi cu lo tuma lugar diasabra dia 4 di november 2023. Den e siman di 6 pa 10 di november hopi autor tanto di Aruba como for di Hulanda, Corsou, Boneiro y St. Eustatius ta haci nan best pa conta storia den klas y na biblioteca y tambe ilustrado ta duna presentacion ta con nan ta ilustra storia pa mucha. Di e manera aki ta purba di entusiasma muchanan pa lesa mas, lesa hunto y bishita biblioteca mas. Miembresia di biblioteca a bira gratis na 2023, cu ta un regalo pa tur mucha.

Un grupo grandi di escritor di buki pa mucha ta bishita mas cu

sesenta scol. Di Aruba esakinan ta Vanessa Paulina (Escritor y ilustrado), Irmgard Frans (Escritor y ilustrado), Olga Buckley (Autor y poeta), Emerita Emerencia (Escritor, maestra y actriz), Ruthy Vrieswijk (Escritor, poeta y Blogger), Esmeralda Tromp Jacobs (Escritor y contado di storia), Sheila Werleman (Artista visual y ilustrado) y Desiree Correa (Autor y docente). For di Boneiro, Denise de Jongh (Escritor y editor) y Boi Antoin (Investigado y autor) ta join e grupo, Di Colombia autor, poeta

y actor Pedro Vargas. Tio Ali (escritor y contado di storia) semper ta forma parti di e festival y Tio Ali ta bini hunto cu Crisen Schorea. Crisen ta autor y poeta. Jeroen Hoogerwerf y Pieter Koolwijk ta bini for di Hulanda pa bishita e muchanan di scol. Misha Spanner (Contado di cuenta) ta participa pa di prome biah na e festival na Aruba y ta bini for di St. Eustatius. Nan ta bishita scol pa conta storia, papia tocante buki cu mucha y tambe pa stimula mucha pa lesa mas.

Fundacion Siñami Paso pa Paso Aruba ta introduci e prome edicion di e buki, E flor di balornan “Un tesoro pa mi bida”

Fundacion Siñami Paso pa Paso Aruba a wordo lanta oficialmente 4 di April 2009 y nos meta ta pa duna orientacion y guia integral di diferente disciplina pa beneficia mucha, hoben y adulto cu algun discapacidad y nan famia.



Den e aña 2022 - 2023 nos team profesional boluntario a crea e prome edicion di e buki e flor di balornan “Un tesoro pa mi bida”. E buki aki ta un continuacion di e lema di nos fundacion cu ta e flor di balornan, Husticia - Perseverancia - Honradez - Pordon - Humildad - Puntualidad - Sinceridad - Responsabilidad - Lealtad - Amor - Berdad y Respet, cada balor ta un capitulo di e buki. Den e buki aki nos kier promove lectura y actividadnan pa famia haci algun ehercicio cu lo yuda mucha, hoben den su desaroyo personal y pa den futuro por aporta na e comunidad den un forma positivo y productivo.

E buki ta conta cu 156 pagina cu tin algun ehercicio interactivo enfoca riba balornan. Lo reforza e habilidadnan social emocio-

nal, Psicomotricidad, Habla y Lenguaje. Ehercicio pa mehora atencion, concentracion, expresion, comprension, lectura, escritura, conoce emocionan, tecnica pa regula emocionan, alfabet, numbernan, identifica e culpa, importancia di famia, nocion di tempo, derechonan di mucha y hopi mas.

E di dos edicion di e buki E flor di balornan “Un tesoro pa mi bida” 2024 -2025 lo conta cu algun compania / organizacion cu lo adopta un balor. E buki lo wordo bendi na un suma simbolico pa recauda fondo pa e continuacion di nos proyecto integral despues di scol cu ta duna guia profesional di psicologo, logopedista y terapeuta na un grupo bulnerabel di mucha y hoben

cu discapacidad intelectual leve (L.V.B) y nan famia.

E bukinan lo bay wordo reparti pa muchanan di 6 pa 15 aña na algun scolnan, centronan di bario, durante e reparticion di e buki nos team profesional boluntario lo duna algun workshop informativo y educativo.

Nos kier a duna danki na Samenwerkende Fondsen Cariben y CEDE Aruba, directiva di F.S.PPA y team profesional boluntario cu a haci e buki aki un realidad Dr. Eva Rusz, Psicologo / Psicoterapeuta, Lic. Maria Cristina Harsveld, Logopedista / Pedagogia Infantil, Angelica Ayala, Psy.M. Psicologo, Yaxzuly Toyo, Psicologo Infantil, Rubiela Gracia, MSc. Psicologo Educativo, Carlos Falla, MS Neurociencia Organizacional / Terapeuta Educativo.

E buki di balornan “Un tesoro pa mi bida” ta forma parti di e proyecto integral despues di scol pa mucha y hoben cu discapacidad intelectual leve (L.V.B), y e prome edicion ta wordo financia pa Samenwerkende Fondsen Cariben y CEDE Aruba.

A ordena evacuacion como cu resto di Horcan Koinu ta dal parti zuid di China

(AP)—Hende a ser movi pa shelternan y casi 2.000 boto a ser kita for di waf como cu e resto di Horcan Koinu a dal e parti zuid di China ayera despues di laga un morto y mas cu 300 hende herida na Taiwan.

E tormenta a afecta e isla provincia Chines Hainan ayera, un tiki zuid di e centro financiero di Hong Kong y e regionnan importante pa fabricacion. E Hong Kong Observatory a bisa riba nan website cu Koinu tabata birando mas zwak, cambiando for di un horcan pa un depression tropical mientras e ta move bay e provincia Chines di Guangdong.

Servicionan aereo y di rail a ser suspendi mientras Koinu, cual ta nifica “puppy” den Hapones, a yega na e region.

Koinu a yega un luna despues cu e parti zuid di China, como tambe Hong Kong, a ser afecta pa Horcan Saola, cual a resulta den e señal di tormenta mas halto na Hong Kong, 11. Un siman despues, e provincia di Guangdong y Hong Kong a experencia yobida fuerte den casi 140 aña. E tormenta tambe a kibra e record di velocidad di biento banda di Taiwan.

Servicionan di ferry conectando Hainan cu continente China tambe a ser suspendi mientras Koinu ta move entre e islanan. E pro-



vincia ta experenciando dificultad pa recupera despues cu su industria di turismo a ser afecta pa e restriccion di biahe como respuesta riba e plamamento di Covid-19.



(AP)—Indonesia a nenga diabierna cu candelanan forestal riba e islanan Sumatra y Borneo tabata causando e neblina na Malaysia, despues cu e gobierno di e pais aki a manda carta kehando tocante e calidad di aire y puntrando pa ambos pais

traha hunto pa combati e candelanan.

Candelanan forestal ta un problema anual na Indonesia cu ta causa tension cu paisnan den bisindario. Den e ultimo añanan, huma for di e candelanan a tapa partinan di Indonesia, Singapore, Malaysia

Indonesia ta nenga cu su candelanan ta causando neblina na Malaysia

y e parti zuid di Thailand cu huma preto.

Algun parti di Malaysia a bisa cu el a experencia huma for di e candelanan desde siman pasa, pero e gobierno Indones a nenga cu su candelanan ta e causa. “Te awo nos no tin un neblina transfronteral. Ningun huma cu ta crusa frontera. Mi no sa ki sorto di fondo Malaysia ta uza den e declaracionnan aki,” segun e minister di miedo ambiente y forestia, Siti Nurbaya Bakar, a conta AP.

E capital di Malaysia, Kuala Lumpur, y Kuching, un di e

ciudadnan riba isla Borneo a ser considera entre e ciudadnan mas contamina na mundo pa IQAir, un compania di calidad di aire na Suiza.

Tin mas 1.900 “hot spots” riba Sumatra, mayormente den e provincia di South Sumatra, segun e data for di e agencia di meteorologia Indones. Dialuna, e gobierno local na South Sumatra a puntra residentenan pa traha na cas pa via di e neblina.

Centenas di incendionan forestal na South Kalimantan riba Borneo a haci e neblina mas plama mas amplio, spe-

cialmente siman pasa. E gobierno local tambe a haci un yamado na estudiante pa tuma les online pasobra cu e calidad di aire tabata asina malo.

Varios districto na Central Kalimantan a declara un status di respuesta di emergencia pa incendionan forestal, incluyendo Palangkaraya, e capital di e provincia, cual a declara esaki diabierna y a prepara mas fondo pa combati e incendionan.

Te awo, autoridadnan Indones a ignora Malaysia su peticion.

Planta nuclear na South Carolina ta haya advertencia geel tocante un otro tubo kibra

(AP)—Oficialnan federal a duna un advertencia tocante un violacion di siguridad severo na un planta nuclear na South Carolina despues cu a descubri kraaknan den un tubo di e combustibel di emergencia.

A descubri kraak chikito den tubonan cu ta carga combustibel pa generatornan di emergencia mas cu 6 biaha caba durante e ultimo 20 añanan. E generatornan aki ta provee awa friu pa un reactor di electricidad fraca na V.C. Summer plant cerca di Columbia, segun U.S. Nuclear Regulatory Commission.

E agencia a duna loke e ta yama un advertencia “geel” preliminar pa doño di e planta Dominion Energy siman pasa. Esaki ta e segunda categoria mas severo y solamente shete advertencia similar a ser duna den henter e pais desde 2009, segun experto di poder nuclear, David Lochbaum, despues di evalua record for di reguladornan federal.

E huicio di e comision no ta final y Dominion lo tin un chens pa splica kico a sosode, segun vocero di utility, Darryl Huger. Dominion ya a cuminsa crea un plan pa mehora e dependencia di e sistema di emergencia, manera Huger a bisa.

E prome kraak a aparece pa prome biaha riba un tubo di combustibel diesel na 2003, y tubonan similar a haya kraaknan asina desde e tempo ey. Durante un test di e sistema di 24 ora cu a tuma luga na november, un leak di diesel a bira mas grandi, segun recordnan di NRC.

E agencia a duna e advertencia geel preliminar pa via di e continuo problemanan. Dominion no tabata e unico doño di e planta. SCANA a construi y cuminsa e planta na 1984. E compania basa na South Carolina tabatin plan pa construi dos otro reactor, pero costonan di biyones di dollar a forsa



nan pa bandona e proyecto na 2017 y bende na Dominion.

Recientemente Dominion a pidi pa renoba e licencia pa e planta nuclear pa 40 aña mas. Abogador di siguridad nuclear, Tom Clements, a bisa cu e problemanan di tubo lo trece mas critica di e reguladornan.

“E incidente aki ta sirbi como un wake-up call pa analisa tur sistema prome cu un determinacion pa renoba licencia,” Clements a bisa.

Inundacion profundo na Myanmar ta afecta mas di 14,000 persona

(AP) - Inundacion fuerte na Myanmar a afecta mas di 14,000 persona cu mester a bandona nan cas y a stroba careteranan cu ta conecta cu e pais su ciudadnan mas grandi, segun oficialnan a reporta dialuna.

Television di estado MRTV a reporta dialuna atardi cu e cantidad di personanan cu mester a sali for di nan cas na Bago a yega 14,000 y nan



lo ser hiba un shelter na 36 casi 1,000 persona mas persona den e bario di Mon tam-

be mester a shelter na 3 di e campnan aki y tin algun evacuacion den parti di Yangon.

Un oficial di e Ministerio di Bienestar Social y alivio Lay She Zin Oo, a bisa cu yobida constant den e region di Bago cu a cuminsa siman pasa a cuminsa e inundacion den e areanan abao di e capital. El a bisa cu no tabatin ningun herido ni morto reporta te cu awo.

Bao a mira 7.87 inch di yo-

bida, cual a marca e nivel mas halto den 59 aña segun Myanmar su departamento meteorologico a bisa diadomingo. Yobida of strena a ser pronostica pa henter e pais te cu diamars atardi. Un di e lidernan di un ekipo di rescate di emergencia na Bago a conta The Associated Press cu e inundacion tabata te 2.3 meter hundo den cierto areanan y 1.2 meter den otro areanan.

Un investigacion independiente a habri tocante asesinatonan ilegal di forsanan special di Reino Uni na Afghanistan



(AP) - Un investigacion a habri riba dialuna pa examina acusacionnan cu forsanan special di Reino Uni a asesina decenas di hende homber di Afghanistan durante operacionnan den Afghanistan un decada atras, ademas di acusacionnan cu e autoridatnan a cubri actividad ilegal of a fracasa di investiga esaki adecuadamente.

E investigacion, cual a habri na Royal Courts of Justice na London, ta enfoca riba e asesinatonan supuestamente fuera di ley cu a tuma lugar durante invalnan nocturno cu e unidadnan militar elite di Britain a ehecuta den e pais entre aña 2010 y 2013. Famia di e personanan asesina a bisa cu nan tabata ciudadanonan inocente cu no tabata arma y a haci yamado pa e investigacion y asina revela e berdad.

Den un di e casonan, e miembronan di e famia a acusa cu 9 hende homber a ricibi tiro riba nan cama durante un inval. E ehercito Britanico a bisa cu e soldaatnan tabata actuando den defensa propio.

E investigacion ta premira cu lo tende testimonio di parti di famia di 33 persona, incluyendo 8 muchanan, kendenan aparentemente a ser asesina pa e forsanan special.

“Nos clientenan ta spera cu e apertura di e investigacion aki ta marca e fin di e ‘muraya di silencio’ y e obstaculonan cu a confronta nan durante e ultimo decada,” segun abogado Tessa Gregory ken ta representando e famianan. Su agencia, Leigh Day, ta argumenta cu entre aña 2010 y aña 2013, mas di 80 persona di Afghanistan a ser asesina bao “circunstancianan sospechoso” na man di forsanan

an special Britanico. Esaki a forma parti di un “cuestumber sistematico y amplio di asesinatonan extrahudicial contra ley,” el a declara.

Abogado Oliver Glasgow, durante su declaracion di apertura na e audiencia dialuna, a bisa cu e investigacion lo

sigura cu “e personanan cu tin algo di sconde” lo tin cu para responsabel sin importa nan rango den ehercito.

SELF SERVICE JUST GOT BETTER

Get help with: Billing Information | Postpaid Add-ons | Roaming Bundles | Prepaid Data Bundles | Prepaid Balance | Prepaid Recharge Assistance